

BAHEBERE, TEMA YA BONE

¶ . . . ke go tseba bontši ka ga Morena wa rena wa go šegofala. Gomme woo ke morero wa rena—wa rena go kgobokaneng fa, ke bakeng sa morero woo, gomme, bjale, le go rapelela bana ba Modimo ba go babja. Gomme mosong wo re bile le tšehtshe tšegofatšo ya go makatša go tšwa Mangwalong.

² Releka go tšea, nakong ye nngwe le ye nngwe ya tirelo, karolo ya . . . Ke ruta ka go Puku ya Bahebere, ke bile, lebaka la dibeke tše mmalwa tša go feta. Gomme bjale, ge Morena a rata, re tla tšwelapele ka Laboraro bošego, morago ka Lamorena mosong le Lamorena bošego, pele, ge feela ge ke tla ba fa mo nakong ye. E sego tsošeletšo, eupša ke tsošeletšo, kopano go mašego a rena a tlwaelo. Gomme kafao re kudu, thabile kudu go ba le nako ye go kopana le bagwera ba rena ba go loka tikologong mabapi ka ditoropongkgolo, le tikologong mabapi ka Falls Cities fa. Gomme ge—ge re ka direga go ba le go phumola goba se sengwe, go ka no ba gore Morena a ka re hlahla, gabotse ka pela, go . . . mohlomongwe re ka ba le mašego a se makae, mohlomongwe, ka tšimbing goba se sengwe, morago ga nakwana, ge Morena a bonagala go hlahla ka tsela yeo, go lefelo moo re tla tlišago batho ba rena mmogo.

Gomme re bone batho ge re be re etla godimo, ba boela morago, ba re, “Go be go se sekgora go—go tsena.” Nnete, tabarenenekele ke ye nnyane gampe. E no dula ditulo kudu, batho ba se kae kudu, gomme re no thakgala kudu gore le rata go tla ntle le go dula phišong, go kwa Lentšu la Morena. Gomme re rapela gore Modimo ka go fetišiša, ka botlalo a le šegofatše le go le thuša.

³ Gomme bjale, bošegong bjo, re nyaka, re thoma go ya 4 tem. . . . Ke ba bakae ba bego ba le fa mosong wo? A re boneng diatla tša lena. Oo, seo se a makatša, ka kgonagalo bohle ba lena. Gomme re go, go thoma go, tema ya 4 ya Puku ya Bahebere. Oo, a Puku ya go kgahliša! A le ipshina ka Yona? [Phuthego e re, “Amene.”—Mor.] Gomme e bapetša Lengwalo ka Lengwalo.

⁴ Gomme Paulo, pele a ka tsoge a hlatsa boitemogelo bja gagwe, sa pele o ile a swanelo go ya tlase Arabia le go hwetša, ka Lentšu ge eba e be e le Therešo. Ke rata seo. Gomme thuto ya mosong wo, re hweditše, go thuto ya mosong wo, gore Kriste o be a swana maabane, lehono, le neng le neng. Gomme Paulo o hweditše gore Pilara ya Mollo ya go swana yeo e etilegopele bana ba Israele, e kopane le yena mo tseleng go leba Damaseko. Re hweditše gore Pilara ya Mollo, yeo e etilegopele bana ba Israele go tšwa lešokeng, go ya nageng ya tshepišo, e kopane le Paulo tseleng go ya Damaseko, gomme e ipiditše Yonamong, “Jesu.”

⁵ Morago re hwetša Bomodimo bjo phagamego bja kgonthe bja Jesu Kriste. Puku ka moka fa e no ba kutollo ya Jesu Kriste. Gomme O a tla, re hwetša gore, “Mo dinakong tša kgale le ka mekgwa ya go fapana, Modimo o boletše le botate ka baprofeta; mo matšatšing a a mafelelo ka Morwa wa Gagwe, Kriste Jesu, O ikutolotše Yenamong.” Gomme Puku ya Genesi go ya go Kutollo ga se selo eupša e tee ya kgafetša, ya go lokologana, kutollo ya Morena Jesu.

⁶ Gomme re hwetša gore O be a le Yena yola a bego a le sethokgweng se se tukago. Re hwetša gore O be a le Yena yola a bilego le Modimo pele ga motheo wa lefase. Gomme re hwetša gore, ka go Testamente ye Mpsha, O be a le Modimo Motho, mmogo. Gomme morago ge A tlogetše Testamente ye Mpsha, go ya ka Legodimong, O rile, “Ke tšwa go Modimo, gomme Ke boela go Modimo.”

⁷ Gomme ge Paulo a kopana le Yena, O be a le ka sebopegong sa go swana A bego a le ge A etapela Israele, Pilara ya Mollo. Gomme Paulo o Mo lebeletše thwi ka sefahlegong, a se a sokologa, gomme go mo hloletše go ba le bothata bja leihlo matšatšing a gagwe ka moka. O ile a foufala, gomme lebaka la matšatši a mmalwa ga se a kgone go bona selo le gannyane. O ile a swanelwa go hlahlelwa go mokgotha o bitšwago Straight.

⁸ Gomme Modimo o bile le moprofeta tlase fale yo a boletšego le yena, ka leina la Ananiase, yo a tliego ka gare, ka pono, gomme o beile diatla tša gagwe go Paulo, gomme o rile, “Ngwanešu Saulo, amogela go bona ga gago.”

⁹ Gomme re hwetša, morago, gore Moya wo Mokgethwa wola wa go swana, Morena Jesu yola wa go swana, o tlie go Petro ka sebopego sa Seetša le go mo hlakodiša go tšwa kgolegong.

¹⁰ Gomme re hwetša gore Morena Jesu yola wa go swana, mo matšatšing a, o sa le ka go Pilara ya Mollo yela (Seetša) yeo e hlahlago batho ba Gagwe (Kereke ya Gagwe), e dira selo sa go swana, e efa dipono; go tla ka gare le go bea diatla go batho, ka pono. Morena Jesu, Yo a kopanego Lamorena la go feta mosong kua ntlong, gomme o rile, “Go bile le monna a etla, hlogontsho, e pudufala. O be a le Mogerike. Mosadimogatša wa gagwe o be a le mengwagamagareng, gomme o tla be a lla mo aletareng.”

¹¹ Ba bangwe ba bona ba e boletše, le go tseba e be e direga. O be a le bobedi go golofala, mo—mo mogalatšika wa go lekelelanya ka hlogong ya gagwe o be o ile. O be ebile a se ne taolo go maoto a gagwe goba dikgato tša gagwe. Gomme o be a le sefofu. Gomme go e dira netefatšo go menagana: ke bile le mohumagadi yo monnyane go tla go rapelela balwetši, pele, morago ke retologetše morago tikologong gomme ke bile le Ngwanešu Thom go tla go rapela. Gomme rena, re dutše fa, re e šeditše e bopega. Gomme morago ke ile tlase le go rapelela balwetši, gomme ke sepeletše morago. Gomme o atla, feela tlwa

go ya ka pono, gomme o ntshwere ka letsogo gomme a thoma go lla, gomme o rile Ngak. Ackerman o ba rometše fa. Ngak. Ackerman ke mogwera wa ka wa go wa le go tsoga, Mokatoliki. Mošemane wa gagwe ke moprista ka monastering ka—ka Saint Meinrad, le tlase ka Indiana. Gomme monna yo o be a etšwa Jasper. Gomme Morena o mo fodišitše, go tšwa setulong sela. O emeletše le go sepela. O kgonne go bona gabotse bjalo ka mang le mang gape. Gomme o sepeletše ka ntle ga moago, a phelegile le go felela. Tšohle ka pono!

¹² “Ngwanešu Saulo, Morena Jesu yo a bonagetšego go wena mo tseleng, o nthomile gore nke ke bee diatla go wena, gore o ke o amogele go bona ga gago le go tlatšwa ka Moya wo Mokgethwa.” Go a makatša.

¹³ “Gona re hwetša, go boneng gore re ne phološo ye kgolo ye, ga ra swanelo go . . . Re ka se kgone go phonyokga dikotlo le kgalefo ya Modimo, ge re hlokomologa phološo ye kgolo bjalo.”

¹⁴ Bjale re ya go thoma go bala, bošegong bjo, go tšwa, le go thoma tema ya 4 ya Puku ya Bahebere. Ge eba e ka ba mang a nyaka go latela mmogo, re ne Dibeibele tše dingwe fa. Ge eba ba nyakile ye nngwe, gonganeng, yo mongwe wa diašara o tla e tliša go wena, ge o ka iša seatla sa gago godimo, Dibeibele tše—tše. Ge yo mongwe wa baena fa a tla tšea . . . Go ne Dibeibele tše pedi di letše fa, ke a dumela.

¹⁵ Gomme bjale re tla itlhaganelo, gobane re ne selalelo morago ga nthathana. Gomme re a fetša bošegong bjo, Laboraro bošego re thoma gape. Bjale, ke a dumela, mosong wo ka go baleng ga rena, re thomile go temana ya 15.

¹⁶ Yo mongwe, mohlomongwe a sa ntsebego ke apara digalase, go bala ka tšona. Ke a tšofala. Gomme ke sa kgona go bala, eupša ga ke kgone go e topa ka lebelo, gagologolo ge ke ne go bala go go sesane fa, mongwalo wo mosesane.

¹⁷ Gomme ke ile go ba le mahlo a ka a hlahlobja, go bona ge eba ka kgonthe ke be ke lahlegelwa ke go bona ga ka. Mahlo a ka a be a le lesome lesome. O rile, “Eupša o fetile masomenne, morwa.” O bile le selo go nna go bala, o rile, “Thoma go bala seo.” Ke se badile. Gomme ke fetše ke batamela kgauswi, e bile go nokologa le go nokologa. Gomme e fihlile e ka ba ka mokgwa wo, ke eme. Morago o beile ntle fale bakeng sa lesome lesome, ke kgonne go e bala go le bjalo. Eupša o rile, “Ke eng, ge o feta masomenne, dintaka tša gago di ba go hunyela.”

¹⁸ Bjale, nka kgona go šošobanya mahlo a ka le go bala feela bokgole bjola go nna, eupša o swanelo go šošobanya. Kafao, o no ntirela para ya digalase. Ke kgona go e bona, kae kapa kae, ge e le kgauswi go nna ka kgonthe. Bjale, ge e tloga go nna, ga ke kgone go bona le gatee ka dilo tše. Eupša ke a di bala, go bala go tšwa fa ka digalase.

¹⁹ Bjale, mosong wo, re bile le karolo ya mafelelo ya tema ya 3 ya Bahebere. Gomme, oo, a dikoko tša go nona re di hwetšago. Bjale theetšang. Ke nyaka go bala gape, gore re hwetše bokamorago bjale. E se go bolela ka yona, eupša feela mohuta wa go e eya bogodimo gannyane.

Ge go rilwe, Lehono ge le...ekwa segalontšu sa gagwe, se thatafatšeng dipelo tša lena boka ka borumolaneng.

Ka gore ba bangwe, bona, ba kwele Lentšu, ge ba kwele Lentšu, ba rumolane: golebjalo e sego bohle bao ba tšwilego Egepeta ka Moshe.

²⁰ Bjale, ka go seo, mosong wo, re hwetša gore O rile, “Se thatafatšeng pelo ya lena bjale, boka mo matšatšing a borumolane.” Ke ge ba rumotše Modimo go pefelo, ka lebaka la gore O be a ba file Moshe, moprofeta wa Gagwe, le leswao leo le bego le na le Moshe. Ke ba bakae, ba tlelase bošegong bjo, ba tsebago se leswao lela le bego le le? Pilara ya Mollo, Bahebere 13.

²¹ Bjale, ga re tsebe ge eba phuthego e bone leswao lela goba aowa. Eupša Moshe o Le bone, gobane Moshe pele o kopane le Yena ka sethokgweng se se tukago. O be a le Mollo. Gomme bana ba Israele ba obametše Moshe, gomme ba tlogetše Egepeta. Gomme ka pela ge ba tšwile Egepeta, Modimo, re hwetša, o ba hlahletše thwi ka molabeng. Moo, sesole sa Farao ka morago ga bona, Lewatle le Lehubedu ka mahlakoreng bobedi, gomme Modimo o ba beile molekong; gomme ba ile ba tšhoga. Gomme go rumotše Modimo. O rile, “Gobaneng le Ntelela?” O rile, “Nno bolela gomme o ye pele.” Ke rata seo.

²² Bjale, ba be ba latela Moshe, bjalo ka ge Moshe a latetše Pilara le Lero, gomme ba be ba le tseleng ya bona go ya nageng ya tshepišo. Seswantšho se sebotse sa Kereke, bošegong bjo, mo tseleng ya rena go ya Nageng ya tshepišo, e hlahlwa ke Moya wa go swana, maswao a go swana le matete boka Modimo a boletše ka ona.

²³ Bjale hlokamelang. Morago, ba tla Lešokeng la Sini. Me—me meetse a be a “galaka,” *Mara*. Gobaneng Modimo a ba hlahletše meetseng a go galaka? Go bonala eke A ka be a ba hlahletše go meetse a mabotse. Eupša O ba hlahletše go meetse a go galaka gore A kgone go leka tumelo ya bona. O rata go e dira. O rata go dumelela ditlaišego go tla go lena, go bontšha O kgona go le bontšha lerato la Gagwe le maatla a Gagwe. Go kgonega bjang batho, lehono, ba ba sa dumelego go Modimo modiramehlolo, ge ditlaišo di etla, ba no ngenega le go ya pele? Eupša re dumela gore “Modimo o šoma mehlolo.” A ka se kgone... Modimo o...

²⁴ Theetšang se. Ge Modimo a sa dire go swana, ge seemo sa go swana se tsoga, gona Modimo o molato wa go beng go sekamela go batho ba Gagwe. Boikemo bja Modimo bo Mo nyaka go šoma ka go taba ye nngwe le ye nngwe boka A dirile tabeng ya

mathomo, goba O be a fošitše ge A šomile ka go taba ya mathomo. Ge Modimo a sa dire ka tsela ya go swana A dirilego go taba ya mathomo, ge eba A tla dira go fapano go taba ya bobedi, gona O dirile phošo ge A dirile go taba ya mathomo. Ge eba Modimo a fodišitše balwetši ka go Testamente ya Kgale, O swanetše go e dira ka go Testamente ye Mpsha le lehono, goba O dirile phošo ge A ba fodišitše morago fale. O swanetše go dira go swana, nako ye nngwe le ye nngwe. Gomme O tla e dira, ge tumelo ya go swana e kopana le seemo. Bošaedi bo ka go rena, e sego ka go Modimo. Gobane re Mmona go ba bangwe, le ba bantši, a dira mehlolo ya go ikgetha. Re a e tseba. Moswaswalatši a ka se re, “Ga go bjalo.” Ka gore re E bona e e netefatša, gomme yona šele.

²⁵ Ba be ba fela ba re, “Mpontšhe mohlolo.” Ba ka se sa bolela seo gape. Saense e ka se kgone go se bolela gape. Re ka netefatša ka phethagalo go lefase la saense. Gomme lefase la saense le hlatseditše Sephedi sela sa kagodimogatlhago, ka sebopego sa Pilara ya Mollo, se ne rena. Seswantšho sa Gagwe sese, thwi fa, gomme se sengwe se lekeleditšwe ka Washington, DC, bošegong bjo. Ke Kriste wa go swana.

²⁶ Kagona, ka nakwana, baena ba rena ba badiredi ba be ba fela ba mpotša, “Oo, Ngwanešu Branham, yoo ke diabolo. O se ikgweranye le seo.” Go ntšhošitše.

²⁷ Gomme ke be nka se e rere go fihlela Modimo a tlie le go e utolla, gore, “Yena ke Jesu wa go swana, Yena wa go swana.” Oo, gona leka go e šikinya go tšwa go nna? E ka se kgone go dirwa. Gobane, ke Lengwalo. Ke Lentšu la Modimo. Ga e no ba boitemogelo bjoo bo hlephilego. Ke boitemogelo bjoo bo thekgilwego ke Lentšu la Modimo le tshepišo ye e šegofetšego ya Gosafelego ya Modimo.

²⁸ Bjale, re a lemoga godimo fa, gona, gore O rile.

Ka gore ba bangwe, ge ba kwele, ba rumotše: . . .

Ka nnete. Ba ile ba lapa, nako ye nngwe le ye nngwe ge ba fihla lefelong moo makgaolakgang a tlago. Gona ba be ba tla dira eng? Ba be ba fofa go lokologa, le go lapa, le go nyaka go retologela morago, gomme, “Gobaneng se se ntiragaletše?”

²⁹ Selo sa go tlaba, mosong wo, morago ga go rera seo feela ka thata bjalo ka ge ke kgonne, go bile ba bantši ba tliego aletareng le go E botšišolla, “Gobaneng se se ntiragalela?” Le bona ka fao E yago? E ya ka bogodimo bja hlogo ya batho. E no ba ba go swana, batho.

³⁰ Jesu o rile, “Le ne mahlo, eupša ga le bone.” O boletše seo go barutiwa.

³¹ Ba rile, “Bona, bjale O bolela go kwagala. Bjale re a dumela. Ga go motho a swanetšego go Go botša e ka ba eng, gobane Modimo o e bontšha go Wena.”

³² O rile, “A bjale le a dumela, morago ga nako ye yohle?” Le a bona?

³³ Ga se o swanele go botšišolla e ka ba eng, go Modimo. “Ka gobane dikgato tša moloki di laelwa ke Morena.” Gomme moleko wo mongwe le wo mongwe o bewa godimo ga gago, go go leka. Gomme Beibele e rile, “E bohlokwa kudu go lena go feta gauta.” Kafao ge Modimo a dumelela ditlaišego di se kae tše bohwefo di go diragalela, eletwa, ke bakeng sa go go phošolla. “Morwa yo mongwe le yo mongwe a tlago go Modimo o swanetše pele a kgalengwe ke Modimo, le go lekwa, katišo ya ngwana.” Ga go na tše di tlogelwago. “Morwa yo mongwe le yo mongwe yoo a tlago.” Gomme ditlaišo tše di a dirwa, di a tlišwa, go bona ke mokgwatebelelo ofe o tla o tšeago. Le a bona? Ke Modimo, mo mabaleng a gagwe a go leka. Ke seo lefase lohle le lego, ke mabala a go leka, le moo Modimo a lekago go le leka.

³⁴ Bjale theetšang, ge re eya pele. Gomme ke nyaka go hwetša karolo ya mafelelo ya yona.

*Gomme go yena a ennego gore ga ba swanelo go tsena
khutšong ya gagwe, . . .*

Bjale, fao ke moo re tlago, bošegong bjo.

*. . . khutšong ya gagwe, eupša bona bao ba sa
dumelago?*

*Kafao re bona gore ga ba kgona go tsena . . . ka lebaka
la gosedumele.*

³⁵ Bjale, sebe ke eng? Gosedumele. Modimo o be a tlide go bona, ka Pilara ya Mollo; o rometše moprefeta wa Gagwe, le go motlotša, a mo fa maswao go a dira pele ga batho. Gomme morago Pilara ya Mollo, ka moprefeta, e ba hlahlile go tšwa. Seemo se sengwe le se sengwe ba tlilego go sona, ba thoma go ngunanguna le go bolela phošo ye nngwe le ye nngwe ba e hweditše ka Moshe, ba thoma go popoduma le go munamuna kgahlanong naye. Gomme Modimo ga se a thaba, gobane O rile, “Ba be ba dira sebe.”

³⁶ Ba ka be ba ile ba theetša. Eupša, sebakeng sa seo, ba theeditše go go fa mabaka, “E kgonega bjang? Dilo tše di kgonega bjang?” Ge eba a le Modimo, se sengwe le se sengwe se a kgonega. Gomme O tla dira dilo tšohle go šomela mmogo gabotse go bona bao ba Mo ratago.

³⁷ Bjale re ya ka go go ithuta go gogolo fa, ke gore, go “Khutšo,” *sabatha*. Bjale, ba be ba le bafeti leetong la bona. Le a bona? Ba be ba bile tlase ka Egepeta, mengwaga ye makgolonne, gomme ka bokgobeng. Gomme bjale ba be ba ntšitšwe ka mehlolo ya Modimo, go ya ka tshepišo ya Gagwe. Gomme ba be ba le tseleng ya bona go ya nageng ya tshepišo. Gomme Seetša sa kagodimogatlhago sese se a tšwelela, ka magareng ga bona, gomme se thoma go ba hlahla.

³⁸ Bjale, yo mongwe a ka re, “Bjale, lebelela fa, Moshe yo ke mang? Ke mang a go dirilego mmuši godimo ga rena? A ga o yo mongwe wa rena? Ke mang a go beilego fa go ba molaodi wa rena? O nagana o tseba kudu go phala modiša wa rena a dira? O nagana o tseba kudu go phala moprista a dira? O nagana o—o setswerere go phala se banna ba rena ba bodumedi ba lego, ba letšatši le?” Seo ga se se be le selo go dira le sona.

E be e le Modimo, ka go Pilara ya Mollo, a hlatsela gore O be a le mosepelong. Ga se go dire phapano efe ke mang a bego a le setswerere gomme ke mang a bego a se setswerere. E be e le kgopolo ya go latela se Modimo a se beilego pele ga bona.

³⁹ Gobaneng, Moshe, go ya ka nama, o dirile selo sa botlaela ge a lekile go hlakodiša bana ka Lentšu la Modimo, a tšeа sehlopha sa batho go tšwa go ya ka lešokeng. Ge a bile le ya gagwe... Gobaneng, o be a le mojabohwa go se sengwe le se sengwe ba bilego le sona. O bile le sešole se sengwe le se sengwe se bilego gona, ka lefaseng lohle, se setlilwe. Gomme yena šole, moyenerale yo mogolo wa sešole. Gomme mosepele wa go latela, o be a eya go ba kgosi, Farao wa Egepeta. Gobaneng, a ka be a nno namelela godimo teroneng, gomme a rile, “Go lokile, bana, eyang morago gabolena.” Seo se a e ruma; o be a le Farao. Eupša Moshe...

⁴⁰ Oo, yona še. Moshe, ka *tumelo*, o bone tshepišo ya Modimo. Gomme Morongwa wa Morena o tla go yena, gomme o tsebile bontši ka ga Modimo, mo metsotsong ye mehlano ka Bogoneng bja Morongwa yola, go phala a ithutile mo mengwageng ye masomenne le barutiši ba Egepeta. O tsebile gore O be a le. O bone sa kagodimogatlhago se dirwa.

⁴¹ O rile, “Ke tla ba le wena, Moshe. Ke tla ya pele ga gago.” Gomme ba kwešišitše. Gomme O mo fa leswao go diragatša.

⁴² Bjale, ba be ba le tseleng ya bona go ya nageng ya khutšo. Modimo o bile le khutšo go goba, lefelo moo ba sa swanelago go... bagapeletši godimo ga bona, go ba gapa, go ba diriša dilo.

⁴³ A seswantšho se sebotse se lego lehono, ge re lebelela Kereke le go bona Kereke mo seemong sa yona, motho yo mongwe le yo mongwe yoo a tswetšwego ka Moya wa Modimo o nyatša lefase. “Gomme ge le rata lefase goba dilo tša lefase, lerato la Modimo ebile ga le ka go lena.” Ke se Beibele e se boletšego. Gomme mofeti wa kgonthe, mo tseleng ya gagwe, gabonolo o hloile dilo tša lefase. O hloile go bona banna ba enwa. O hloile go bona banna ba kgoga. O hloile go bona basadi mo mokgotheng, ba apere tšona diaparo tša kgale tše nnyane tša go selekiša. O hloile go bona dipanko le diphathi tša dikarata.

⁴⁴ Gomme maabane, ge Ngwanešu Tony... goba Ngwanešu Wood le nna re be re kgabola mokgotha, le ba bangwe gape, ba bangwe ba banna... Go be go ne mohumagadi yo monnyane fale ka Louisville, a theoga mokgotha, mosadi yo monnyane wa go bogega go ratega, a apare diaparo tše di šišimišago; feela

tsela ye nnyane godimo mo lethekeng, le ripone ye nnyane ye khubedu e tlemilwe lethekeng la gagwe, ka lehlakoreng le lengwe le le lengwe, le karolwana ye nnyane nthathana ya nthetelego ya lešela ka pele ga gagwe, gomme a tlemile ka lerala ka morago. A sepela go theoga mokgotha, a šišimiša, gomme monna yo mongwe le yo mongwe mo mokgotheng a mo lebeletše. Ke rile, “Ga a lemoge gore o molato, mo pele ga Modimo, ka go dira bootswa le monna yo mongwe le yo mongwe yoo a mo lebelelago ka mokgwa wola. Gomme o tla arabela mo letsatšing la kahlolo bakeng sa go direng bootswa le banna bale.”

⁴⁵ Jesu o rile, “Mang kapa mang a lebelelago mosadi go mo kganyoga, o šetše a dirile bootswa le yena.” Yeo ke nnete.

⁴⁶ Kafao, le a bona, Ngwanešu Wood o rile go nna, “Ke eng o e dumelelago go sela, Ngwanešu Branham?”

⁴⁷ Ke rile, “E ka ba tlhaevelo ya monagano goba go thopša ke diabolo.” Go ne feela dilo tše pedi go e dira. Wa gabotse, mosadi wa go hlweka a ka se apare dilo tšela; ntle le ge a thopilwe ke diabolo. Yeo ke Therešo tlwa.

⁴⁸ Bjale, mofeti yo a lego tseleng go ya Legodimong, o phela tikologong ya go fapana. Ga se wa swanela go tshwenyega ka yena a mo lebeletše. O tla retolla hlogo ya gagwe ge a ne Modimo ka pelong ya gagwe, gobane o phela tikologong yeo e lego milione wa dimaele go tloga go dilo tšela. Yeo ke nnete. Ga o nyake go ba molato wa dilo tše, mo kahlolong. Kafao o retolla hlogo ya gagwe le go re, “Modimo, gaugela mosadi,” gomme o ya pele. Re mo leetong la rena. Re mo tseleng ya rena go ya Nageng ya Kanana. Re mo tseleng ya rena go ya go Khutšo yela ya Gosafelego le go šegofala yeo Modimo a re filego. Gomme re mo leetong, re a lekwa. Re lekwa ke mehuta yohle ya dilo, eupša efela lekwa ntle le go dira sebe.

⁴⁹ Bjale hlokamelang, ge re eya go tema ya 4, “Kagona a re boifeng.”

*Kagona a re boifeng, e se be, tshepišo e tlogeletšwego
rena go tsena ka khutšong ya gagwe, . . .*

⁵⁰ Ke nyaka le elelwang, gore, ntle le ge re hwetša, ntle le ge Modimo a e utolotše go rena! Ga go kgathale re ya kerekeng gakaakang, seo ga se ne selo go dira le yona. Modimo o swanetše go tla ka kutollo le go ikutolla Yenamong go rena, seo se tloša dilo tšohle tša lefase. “Bjale, ge go sa thwe, ‘Lehono ge le . . .’”

⁵¹ Bjale a re thome te—te tema ya 4.

*Kagona a re boifeng, e se be, tshepišo e tlogeletšwego
rena go tsena ka khutšong ya gagwe, . . .*

⁵² Bjale elelwang, ge ba be ba le tseleng go ya Khutšong, Pilara ya Mollo e ba hlahlile. Bjale re nyaka go hwetša, “Khutšo ye ke eng?”

*A re . . . boifeng, e se be, tshe tshepišo e tlogeletšwego
rena go tsena ka khutšong ya gagwe, (šetšang), e ka ba
ofe wa lena a ka bonalago go hlaelelwka ke yona.*

⁵³ Bjale, tshepišo še. Sese se re swanetšego go se boifa: ge go se ne tshepišo ye re e šadišeditšwego. Eupša go ne tshepišo! Gomme gona, selo sa go latela, se hlaelelwka ke yona.

⁵⁴ Bjale, kgopolo ke, ge eba re mo tseleng ya ren a go ya Khutšong, Khutšo ke eng? E go kae? A ke go tšoena kereke? A ke go kolobetšwa ka tsela e rilego? A ke go ba moleloko wa kereke ye kgolokgolo ka go toropokgolo? Go apara diaparo tše kaone? A ke thuto? A ke tšelete, gore re kgone go lesa mošomo le go no dula fase, go khutša khutšo ya bophelo bja ren a, boka re go bitša? Yeo ga se yona.

⁵⁵ Theetšang se Beibele e rego ke yona, le ka fao re e hwetšago.

*Kagona a re boifeng, e se be, tshe tshepišo e tlogeletšwego
rena go tsena ka khutšong ya gagwe, e ka ba ofe wa lena
a ka bonalago go hlaelelwka ke yona.*

*Gobane go ren a (letšatši nako yela) e ebangedi e
rerilwe, gape le go bona: . . .*

Ebangedi ke eng? Ditaba tše dibotse. Ditaba tše dibotse ditile go bona ka Egepeta, gore, "Modimo o rometše monamoledi, gomme O ya go re ntšha le go re iša go naga ya tshepišo."

⁵⁶ Ditaba tše dibotse go ren a bjale, gore, "Modimo o rometše Monamoledi, Moya wo Mokgethwa, gomme re mo tseleng ya ren a go ya Nageng ya tshepišo." Bjale batho ba e dirile dithutotumelo le dikerekemaina, eupša Modimo o sa dutše, gore, *Khutšo ya ren a* ke "Moya wo Mokgethwa."

⁵⁷ Hlokamelang.

*. . . ebangedi e rerilwe . . . go bona gape le go ren a:
eupša lentšu le le rerilwego ga se la ba hola, le . . .*

Elelwang:

*. . . lentšu le le rerilwego ga se la ba hola, le se la
hlakana le tumelo ka go bona bao ba le kwelego.*

⁵⁸ Oo, baena ba ka, anke ke eme fa lebaka la motsotso. Ga go tshwenye Lentšu le rerwa gakaakang, o rata gabotse gakaakang ka tsela ye Le bego le rerwa; ntle le ge wenamong o le motšeakarolo wa Leo, Le ka se dire nthathana e tee ya botse.

*. . . le se la hlakana le tumelo ka bona bao ba le
kwelego.*

⁵⁹ Ba bone mehlolo ya Moshe. Ba rile, "Yeo ke ye mebotse gabotse." Gomme ba sepetsé mošola. Bona, ba mmone a dira mehlolo. Gomme ba bone Pilara ya Mollo, mohlomongwe, goba ba kwele bona ba bolela ka Yona. "Oo, yeo e lokile."

⁶⁰ Eupša e be e se ya hlakana le tumelo ya sebele. Gobane ka pela ge ba fihlile lešokeng, bona (yo mongwe le yo mongwe) ba

thoma go popoduma. Gomme Modimo o rile, “Ka lebaka la gore ba belaetše, e be e le sebe.” Le se belaele selo. Dumelang. Le se belaele, ga go kgathale taba ke ye thata gakaakang, Le dumele.

⁶¹ Bjale ba thoma go popoduma, gomme Modimo o ba wešitše. Gomme morago O enne, mo pefelong ya Gagwe, gore, “Ba ka se tsoge ba tsene ka Khutšong ya Gagwe.” Gomme Beibele e boletše fa, ke a dumela E ka go te—te temana ya 3, gore, “Ditoto tša bona di wele ka lešokeng.”

⁶² Tema ya 3 gomme temana ya 17.

*Eupša le bomang o be a nyamile lebaka la mengwaga
ye masomenne? a e be e se le bona bao ba dirilego sebe,
bao ditoto tša bona di welego ka lešokeng?*

⁶³ Gomme go bona bohole bao ba tšwilego ka Egepeta, ke ba babedi feela ba ilego ka nagegeng ya tshepišo. Go tšwa go lefase ka moka la pele ga meetsefula, mo matšatšing a a fetilego, go bile le disoulo tše seswai di phološitšwego, go tšwa go dibilione. “Keiti ke ye e sesefetšego gomme tsela ke ye e pitlaganego, gomme eupša ke ba se ba kae bao ba tla e hwetsago.”

⁶⁴ Batho ba bangwe ba re, “Gona, Ngwanešu Branham, go reng ka ba diketekete bao Beibele e rilego ba tla tšwelela fale?”

E no elelwang ke ba bakae ba hwilego ka go moloko wo mongwe le wo mongwe, bao ba bileygo Bakriste, tlase go theoga lebaka. Ba tla tsoga bohole. Bao ba dira Mmele. Le letela go tla ba bilione tše lekgolo ka go Amerika ye, ba tšwago, goba ba bangwe gape, lefaseng le lehono. Go ka no se be le masometlhano ba tla tšwago. Eupša Kereke ye kgolo e rekolotšwego e robetše ka leroleng, e letile. Ke mabjebohlokwa a Modimo ao a khutšitšego ka leroleng. Eupša disoulo tša bona di ka tlase ga aletara ya Modimo. Ga ba ka seemong sa bona sa go loka. Ba ka mmeleng, ka therešo, eupša theophany. Gomme ba goeletša go Modimo, “Botelele gakaakang?” Ba kgona go bonana seng, eupša ga ba kgone go šikinyana diatla seng, mohuta wola wa mmele.

⁶⁵ O kopana le mmago ka Letagong bošegong bjo, ge o ka swanela go ya, o ka se kgone go šikinya seatla sa gagwe gobane ga a ne mohuta woo wa seatla. O ka se kgone go se kwa boka o tla rata go kwa bjale. Gobane, dikwi tše tlhano ke se se beilwego ka go mmele wo, se kgona go o laola. Bogona bja gagwe bo tla kwewa ka tikologong ya go fapania.

⁶⁶ Ke boka monnamogatša le mosadimogatša. Go ka se be le go nyala, goba go nyalwa, ka Legodimong. Gobaneng? Gobane go ne mohuta wa go fapania wa lerato. Ga go ne kganyogo ya thobalano. Dilo tšela tšohle di fetile. O hlwekištšwe le go sekega.

Eupša ga se nke wa ke wa dula ka leemong lela, kagona ga se o hlollelwae seemo sela. O no be o letile fale. Eupša o hlogetše go tla morago moo o hlodilwego monna le mosadi, gomme fale Modimo o tla tsoša mmele wola go tšwa leroleng la lefase gomme

a o tagafatša. Gona o tla bona, wa latswa, wa kgwatha, wa dupa le go kwa, le go amana. Re ka se tsoge ra tseba . . .

Re ka se tsoge ra ipshina ka bophelo bja Morongwa. Ga se ra hlolwa Barongwa. Modimo o hlotše Barongwa. Eupša O hlotše wena le nna, banna le basadi. Seo ke seemo re tla bago ka go sona, neng le neng, go Tleng ga Gagwe ga go šegofala.

⁶⁷ Bjale, bonang ka fao ba hlaeletšwego, gobane ba dirile sebe gomme ba hlaeletšwe ke letago. Modimo o ba bontšhitše Pilara ya Mollo. O ba bontšhitše maswao le matete. O ba hlahletše ntle. O ba tlišitše ka molekong, go leka go ba leka.

⁶⁸ Bjale, a ga la ba le bontši bja meleko? Le se belaeleng ka yona. Hlalalang. Modimo o ne lena. O leka go leka tumelo ya lena. Lebelelang Jobo ka Testamenteng ya Kgale, ge A rile, “A o hlokometše mohlanka wa Ka Jobo, monna wa go loka, monna wa go phethagala? Ga a gona boka yena lefaseng.”

⁶⁹ “Oo,” o rile, “kgonthe, O mo agetše legora: ga a na mathata e ka ba afe, ga a na matshwenyego e ka ba afe. Ga a na merwalo ya ditšelete, se sengwe le se sengwe se madulong. Ga a ne bolwetši e ka ba bofe, bohloko e ka ba bofe. Anke ke mo swarasware. Ke tla mo dira a Go roge, sefahlegong sa Gago.”

⁷⁰ O rile, “O ka seatleng sa gago, eupša o se tšee bophelo bja gagwe.”

⁷¹ Oo! O dirile se sengwe le se sengwe eupša go tšea bophelo bja gagwe, eupša ga se a kgone go šikinya Jobo. Jobo o tsebile o eme tlwa go Lentšu. Yeo ke nnete. Gomme bodiabolo bohle go tšwa heleng ga se ba kgone go mo šuthiša, gobane o tsebile o be a neetše sehlabelo sela. O be a lokile. Gomme ba mo pharile, ba rile, “O dirile sebe, Jobo, gomme Modimo o a go otla.” O tsebile gore Modimo ga se a . . . gore o be a se a dira sebe pele ga Modimo. O tsebile gore o be a lokile. E sego gobane o be a le monna wa go loka, eupša gobane o be a amogetše sehlabelo sa go tshungwa bakeng sa gagwe.

⁷² Gomme, bošegong bjo, re tseba gore bophelo bja gagwe bo netefaditše gore o be a lokile. Gomme ge o . . . E sego go leka go ya gae Letagong gobane o leka go thuša moagišani; yeo e lokile. E sego gobane o tšoena kereke; yeo e lokile. Eupša eya gae Letagong gobane o amogela toko ya Jesu Kriste, ga se gona o se dirilego wenamong.

⁷³ Bjale, ge re bala pele.

Gobane ebangedi e rerilwe go rena, . . . (temana ya 2) . . . bjalo gape go bona: eupša lentšu le le rerilwego ga se la ba hola, le se la hlakana le tumelo ka go bona bao ba le kwelego.

Tumelo e be e se ka go bona bale ba kwelego Lentšu.

⁷⁴ Nno naganang, lehono, ka go bjo bonnyane, bodiredi bja go kokobelba bjoo Morena a mphilego, go swanetše go ba Maamerika

a milione tše masomenne ba phološwago, bošegong bjo. Le tseba se ba se bolelago? "Gobaneng, ke go bala monaganano. Ke yena mmalamonaganano. Ga go selo se sebjalo! Gobaneng, ga se wa kereke ya rena." Le a bona? Ga se...ga go kgathale o e bea gakaakang go Lentšu le go netefatša gore ke Lentšu la Modimo, ke tshepišo ya Modimo, ke bontši gakaakang saense e tla netefatšago gore Lona ke therešo, go le bjalo ba ka se dumele. Beibebe e rile ba ka se kgone.

⁷⁵ O rile, "Gona mošomo ke eng wa go Le rera?" Modimo o swanetše go ba le hlatse, go ba ahlola, Letšatšing leo. Lentšu le rerilwe le go netefatšwa magareng ga bona, gomme ba sa tloga ka go hloka temogo. Ga se gona se setšego eupša kahlolo. Modimo a ka se kgone ka toko—a ka se kgone ka toko go ahlola setšhaba ntle le ge se bile le kgaogelo pele se ka ahlolwa. Ke Yena Modimo. A ka se kgone go e dira.

⁷⁶ Bjale re bolela eng?

Gobane rena ba...dumetšego le rena re tsene ka khutšong, boka a rile, Bjalo ka ge Ke enne kgalefong ya ka, ge ba ka tsena ka khutšong ya ka: le ge mediro e be e feditšwe go tloga go theweng ga lefase.

Gobane o boletše lefelong tsoko ka—ka letšatši la bošupa ka mokgwa wo,...

⁷⁷ Bjale, ga ke nyake go gobatša maikutlo a batho, kgahlanong le bodumedi bja bona. Woo ga se morero wa ka. Ntle ka tšhemong, ke no rera tša tlwaelo, tša boebangedi tše kgolo, dithuto tša motheo. Eupša ka tabarenekeleng, magareng ga bana ba ka fa, ke ikwela ke ne tokelo go rera se ke naganago ke Thuto le Therešo. Le a bona? Ke a nagana seo ke nnete.

⁷⁸ Bjale, ke ne bagwera ba go loka ba Masabatha ba diketekete, tša batho ba ba lego Maseventh-day Adventist. Ba bangwe ba bagwera ba go ratega kudu ke nago le bona, ba bangwe ba bona ke Maseventh-day Adventist.

Le ge, mosepelo wa mogolo wa, se se bitšwago, vo—vo *Voice of Prophecy* ba kgahlanong le nna thata. Ba boletše gore ke dirile setatamente ka phuluphithing, gomme ke rile, "Ke be ke le Modimo. Le gore—le gore Seetša se seo se latetšego e be e le Morongwa, gomme ke be ke le Modimo. Gomme ke tla lefaseng go dira dilo tše kgolo, go netefatša batho gore ke nna Modimo." Bjale, seo ke se *Voice of Prophecy* e se boletšego ka nna, godimo ka California. Gomme e ka ba mang a boletšego seo, le a tseba, o boletše se sengwe, se sego bjalo.

⁷⁹ Eupša le go thoma, e sego go tšeа kgopolo kgahlanong le kereke ya Seventh-day Adventist goba kereke e ka ba efe ye nngwe ya Masabatha, eupša feela bakeng sa Ebangedi. Re ya go fihla tlase, mo metsotsong e se mekae, go Pentecost, le yona. Ya. Therešo. Go Baptist, re ya go fihla tlase go yeo le go bontšha gore Modimo ga a hlaole kerekeleina e ka ba efe. Yeo ke

nnete. O hlaola feela motho ka motho. Gomme ga A dirišane le kerekeleina e ka ba efe, ga sa nke A dira gomme A ka se tsoge a dira, go ya ka Lentšu la Gagwe. Eupša O dirišana le motho ka motho ka go kerekeleina ye nngwe le ye nngwe. Ee, ke motho ka motho Modimo a dirišanago.

⁸⁰ Bjale theetšang se go hlaka ka kgonthé, gomme ge go ka tsoge, nako e ka ba efe, gore potšišo e tsoge e tle go lena, e tla rungwa. Bjale, anke Morena a re thuše.

⁸¹ Bjale, sekgauswi, “Gobane . . .” Temana ya 4.

Gobane o boletše lefelong tsoko ka ga letšatši la bošupa ka mokgwa wo, . . .

⁸² Bjale šetšang. O bolela ka sabatha. Ke ba bakae ba tsebago gore lentšu *s-a-b-a-t-h-a* ka Sehe- . . . ke lentšu la Sehebere leo le rago “k-h-u-t-s-o”? Ke ba bakae ba tsebago seo, ka Seisemané? Kgonthé. A *sabatha* ga e kwagale lentšu la go segiša? Ke lona.

⁸³ A go *hlwekiša* ga go kwagale lentšu la go segiša? Go *hlwekiša* ke lentšu la Segerike. Go *hlwekiša* go ra “go dirwa go go kgethwa.” Sehebere, go ra, “go dira go go kgethwa.” Segerike, go ra “go *hlwekiša*.” Seisemané, go ra, “go dira go *hlweka*.”

⁸⁴ *Sabatha* go ra “letšatši la go khutša.” Ke seo sabatha ya kgale e bego e le, letšatši la go khutša. Ge o bona *go khutša*, go ra “*sabatha*.” E lebelele ka sengwalweng sa gago sa setlogo, ge o ka direga go ba le Beibele ya Segerike, le go hwetša ge eba lentšu . . . Ge o ne Beibele ya Scofield, lebelela go bala ga gago ga mothalading go “go khutša” gomme o bone ge eba ga e go tliše morago go *sabatha*. Sabatha go ra “go khutša.” Go lokile.

⁸⁵ Bjale šetšang.

Kagona a re boifeng, e se be, tshepišo e tlogeletšwego rena go tsena ka sabatheng ya gagwe, khutšong, . . .

⁸⁶ Bjale, batho ba bantsi ba boloka matšatši, boka ba boloka letšatši la sabatha *Mokibelo*. Ba bangwe ba dira *Lamorena* modingwana, letšatši la go rapela. Gomme ka mogau wa Modimo, le ka Lentšu la Modimo, Modimo a nthuše bošegong bjo, nka netefatša go lena gore bobedi ba fošitše. Bobedi morapedi wa Lamorena le mmolokasabatha. Ka phethagalo bobedi ba fošitše go ya ka Lentšu. Gomme morago ga tšohle, ke Lentšu leo re swanetšego go ya ka lona, e sego ka se Maadventist a se bolelago, goba e sego ka se Protestant e se bolelago, goba Katoliki e se bolelago. Ke se Beibele e se bolelago.

⁸⁷ Bjale, bjale šetšang.

Gobane o boletše lefelong le rilego ka ga letšatši la bošupa ka mokgwa wo, . . .

Bjale re ya go bea se sengwe boka *se*, gomme ra bitša *se—se*, “Khutšo ya Modimo,” letšatši la bošupa.

⁸⁸ Bjale šetšang. “Gomme Modimo . . .” Theetšang Lengwalo le bjale.

. . . *Modimo o khutšitše letšatšing la bošupa go ohle wa gagwe modiro.*

Modimo o bile le Sabatha, gomme letšatši lela la bošupa le be le le botelele bja mengwaga ye sekete, mohuta wa Mileniamo.

Gobane o boletše . . . ka ga letšatši la bošupa ka mokgwa wo, Gomme Modimo o khutšitše . . . go ohle wa gagwe—wa gagwe modiro.

Lešalarui, “Mediro yohle ya Gagwe.” O khutšitše mo letšatšing la bošupa. Yoo ke Modimo.

Gomme mo lefelo le (ka tlase ga molao), Ge ba ka tsena khutšong ya ka.

⁸⁹ Modimo o khutšitše, ka sebele, gobane O be a dirile magodimo le lefase mo matšatšing a tshelelago, gomme mo letšatšing la bošupa O khutšitše go modiro wa Gagwe ohle. O khutšitše mengwaga ye sekete se setee. Gobane Beibele e boletše, gore, “Letšatši le letee mo lefaseng ke mengwaga ye sekete Legodimong; mengwaga ye sekete Legodimong; ke letšatši le letee lefaseng.” Ke ba bakae ba tsebago Lengwalo le bolela seo go Petro wa Bobedi? [Phuthego e re, “Amene.”—Mor.] Go lokile. “Modimo o khutšitše mo letšatšing la bošupa. Gomme O boletše ka mokgwa wo lefelong tsoko.”

⁹⁰ Bjale theetšang sekgauswi.

Gobane o boletše lefelong le rilego ka ga letšatši la bošupa ka mokgwa wo, Gomme Modimo o khutšitše . . . go mediro ya gagwe yohle.

Gomme lefelong le gape, (molao), Ge ba ka tsena khutšong ya ka.

O fa Bajuda, mo tseleng ya bona go tšwa nageng ya tshepišo, goba, go tšwa Egepeta go ya nageng ya tshepišo, sabatha ya letšatši la bošupa.

⁹¹ Bjale theetšang.

Go boneng kagona go šetše gore ba bangwe ba swanetše go tsena ka fale, gomme go bona ba e rerilwego pele . . .

Khutšo! Modimo o ba fa molao, gomme sabatha e be e le molao wa bone.

. . . *ga se ba tsena ka lebaka la gosedumele: . . .*

⁹² Bjale šetšang. O bolela ka molao, ka fao ba tsenego, go be go se gwa hlakana le tumelo. Ga se ba e boloka. Ba bolokile sabatha ka segopotšo, gore ba be ba eya nageng ya sabatha, go ba le khutšo ya neng le neng go tloga go mathata a bona ohle le matshwenyego a bona, ga go sa na bagapeletši, ga go sa na mašego a go hlobaela. Ba be ba le tseleng ya bona go ya nageng

ya tshepišo ya khutšo. E etše ka maswi le dinose. Diterebe di be di le tše kgolo kudu gore banna ba babedi ba rwele mokgotho o tee godimo ga magetla a bona. Oo, a naga ya khutšo ya go šegofala! Eupša ba paletšwe go e hwetša ge ba fihla fale, ka lebaka la gosedumele ga bona. Ba ile ba beelwa thoko, go feela dimaele tše masomenne go tloga moo ba tlogilego ka Egepeta, go ya nageng ya tshepišo. Gomme ba bile mengwaga ye masomenne go fihla fale, ka lebaka la gosedumele ga bona. Modimo o ba file mopropeta wa bona, o mo file leswao la Gagwe, o mo file Pilara ya Mollo, o bontšitše maswao le matete, gomme o rerile Ebangedi go bona. Gomme ba sepeletše ntłe, morago ga dihlapi le dillofo, gomme ba wele ka lešokeng. “Gomme ditoto tša bona di senyegile ka lešokeng.”

⁹³ Jesu, mo mothopong, O boletše.

Rile, “Botatawešo ba lle mana ka lešokeng, lebaka la mengwaga ye masomenne.”

⁹⁴ O rile, “KE NNA Borotho bjola bja Bophelo bjoo bo fologilego go Modimo go tšwa Legodimong. KE NNA Borotho bja Bophelo. Moshe ga se a le fa Borotho bjola. Tate wa Ka o file Borotho bjola. Gomme KE NNA Borotho bjoo bo fologilego go Modimo go tšwa Legodimong. Ge motho a eja Bjo, a ka se tsoge a hwa.” Phapano šeo.

⁹⁵ Bjale šetšang. Ba boletše gore O... “Ba nwele go tšwa Leswikeng leo le bego le le ka lešokeng, lebaka la sekgoba sa mengwaga ye *mentši bjalo*.”

⁹⁶ O rile, “KE NNA Leswika lela.” Leina la Gagwe le Lekgethwa a le šegofatšwe! “KE NNA Leswika lela.”

O kgona bjang go ba Leswika lela? Leswika lela e be e le Leswika la semoya. Le latetše bana ba Israele. Gomme Moshe o bile le lepara ka seatleng sa gagwe, e bego e le lepara la kahlolo ya Modimo. Gomme Modimo o mmoditše go betha Leswika, gomme o bethile Leswika. Gomme ge a dirile, meetse a tlide go tšwa Leswikeng. Gomme Kriste o be a le Leswika lela, gomme kahlolo ya kotlo ya Modimo ya sebe e bethilwe godimo ga Gagwe. “Modimo o hlotše go bea bokgopo bja rena bohole go Yena,” gomme bokgopo bjola bo phatlotše pelo ya Gagwe. Gomme go tšwa pelong ya Gagwe o tšholotše Moya wo Mokgethwa, boka dinoka tša meetse, go ba senyegago, batho ba ba hwago.

“KE NNA Leswika lela leo le bego le le ka lešokeng.”

“Gobaneng,” o rile, “O ra go bolela . . .”

⁹⁷ O rile, “Moshe, yena yoo a le boditšego seo, o hlologetše go bona letšatši la Ka. Gomme o le bone ka karolo.”

⁹⁸ O rile, “Bjale, O ra go re botša gore O yo mogolwane go feta Moshe? Gore o bone Moshe? Gomme Moshe o hwile mengwaga ye makgolo seswai.” O rile, “Bjale re a tseba gore O ne diabolo,” ka mantšu a mangwe, go gafa. “Re a tseba gore O a gafa.”

⁹⁹ O rile, “Pele Abraham a bile, KE NNA. Ke be ke le KE NNA YO MOGOLO yola a bego a le ka sethokgweng se se tukago. Ke nna Mollo wola woo o bego o le ka sethokgweng se se tukago. Ke nna Morongwa yola yoo a ilego pele ga bona.” Gomme O rile, “Ke tšwa go Modimo, gomme Ke boela morago go Modimo.” Gomme O tšwile go Modimo, a dirwa nama le go phela magareng ga rena; o boetše morago go Pilara ya Mollo yela ya go swana.

Gomme Yena šo, bošegong bjo, ka morago ga mengwaga ye dikete tše pedi, “wa go swana maabane, lehono, le neng le neng,” a dira selo sa go swana, a hlahla bana ba Gagwe ba go šegofala.

¹⁰⁰ Gomme ba bantsi ba a tla . . . gare ka lebaka la gosedumele. Bjale, o rile, “O lekanyeditše letšatši,” letšatši ge Modimo a feditše modiro wa Gagwe. Morago, “O lekanyeditše ‘letšatši le lengwe,’ gomme ka mokgwa wo, gore ge ba ka kwa, ge ba ka tla, bao ba bolokago disabatha, go ya pele go kgabola dikgwedi tše mpsha le go ya pele.” Fao ke moo ngwanešu wa Moadvent a lekago go le iša morago.

¹⁰¹ Bjale a re baleng pele. Hlokamelang.

Go boneng kagona . . . gore ba bangwe ba swanetše go tsena ka fale, gomme bona go bona ba e rerilwego pele ga se ba tsena ka lebaka la gosedumele.

¹⁰² Bjale, temana ya 7. Oo, nna! Ke re, Lengwalo le hueditšwe ka dipalo. Ke re, Lengwalo le, gomme ka tsela ye nngwe le ye nngwe, le hueditšwe. Dipalo tša Beibebe di phethagetše.

¹⁰³ A le lemogile United State ye ke nomoro ya lesometharo ka se sengwe le se sengwe e se dirago? Le a tseba e hlamilwe ka dikhloni tše lesometharo? Le a tseba folaga e bile le dinaledi tše lesometharo mathomong? Le a tseba se sengwe le se sengwe seo United States e se dirago se ka go nomoro lesometharo? A le tsebile e tšwelela ka Beibeleng ka go Kutollo 13? Ka kgontha e a dira. Sebata se sennyane, kwana e tla godimo go tšwa meetseng, e sego bokoto le mašabašaba a batho, . . . e sego go tšwa meetseng, eupša go tšwa nageng, moo go se go motho. E bile le naka tše pedi tše dinnyane: maatla a setšhaba le a bodumedi. Gomme o be a le kwana: tokologo ya bodumedi. Gomme morago ga nakwana, ba ile mmogo gomme o boletše boka trakoni, gomme o dirile maatla ohle ao Roma e a dirilego pele ga gagwe. Yeo e tla go setšhaba sa rena. E ngwaleng fase. Le šetše Mohlakanelwa wa Dikereke le Katoliki di kopana mmogo, gomme šetšang go direga eng.

¹⁰⁴ Batho ba ba latelago Pilara ya Mollo ka nnete ba tla ba le nako ya makgwakgwa, eupša ba komana go phetogelo ya nako yeo, yeo ke nnete, feela komana go sepela. “Gobane Kwana e ba fentše,” go boletše Beibebe, “le bona bao ba Mo latetše, ka gobane ba biditšwe bahlaolwa le babotegi, Bakgethiwa ba Modimo.” Tlogelang go tla go seprofeto seo bjale, gore re kgone go sepetše se pele.

¹⁰⁵ Theetšang kgauswi, tema ya 7, te . . . Ke ra tema ya 4, temana ya 7. Šupa ke nomoro ya phetšo. Tharo ke nomoro ya Bophelo. Šupa ke nomoro ya phetšo, gomme ye e fa sabatha ya go felela.

“Gomme gape,” elelwang, o boletše, “Modimo,” ka mokgwa wo. Morago o boletše ka “molao,” ka mokgwa wo. Gomme morago, gape, “O lekanyeditše letšatši,” letšatši la boraro, lekga la boraro.

Gape, o lekanyeditše letšatši, letšatši tsoko, a re ka go Dafida, Lehono, ka morago ga nako ye telele kudu; . . . Lehono, ka morago ga nako ye telele kudu; gomme go thiwile, Lehono ge le ka kwa segalontšu sa gagwe, se thatafatšeng ya lena pelo. (Šetšang.)

. . . ge nkabe Jesu a ba file khutšo (sabatha), . . . a o be a ka se ka morago a boletše ka letšatši le lengwe.

Mabaka a fetoga le Jesu Kriste: go tloga go molao go ya go mogau, go tloga go mediro go ya go mogau, go tloga go se sengwe o se dirago go ya go se sengwe se Modimo a se dirilego, godimo ga bokgoni bja gago mong goba godimo ga bokgoni bja Gagwe. Go fetogile.

¹⁰⁶ Ge Moshe a tšwile lešokeng, le molao, o rile, “O se ke wa dira bootswa. O se ke wa utswa. O se ke wa bolaya. Boloka letšatši la sabatha le lekgethwa.” Ge Jesu a etšwa ka lešokeng . . . Ge Moshe a etla, diabolo o mo lekile. Gomme ka pela ge diabolo a mo lekile, o e theeditše. Moshe o be a le lefelo la go fokola. Ke ba bakae ba tsebago le e bego e le? Pelwapelwana. Gomme ka pela ge a ba bone ba rapela namane ya gauta, o lahletše melao fase le go e pšhatla, go le bontšha gore boprista bjola bo tla thubja. Gomme Modimo o efa go yena gape.

¹⁰⁷ Eupša ge Jesu a tšwile lešokeng, matšatši a masomenne a go ikona, O be a swerwe ke tlala, lefelo le nnoši la go fokola A bilego le lona. Gomme diabolo o tla go Yena gomme o rile, “Ge O le Morwa wa Modimo, fetolela matlapa a go borotho. Dira mohlolo fa. Anke ke Go bone o o dira, gomme ke tla Go dumela.”

¹⁰⁸ Jesu o rile, “Go ngwadilwe, ‘Motho a ka se phele ka borotho bo nnoši, eupša ka Lentšu le lengwe le le lengwe le tšwetšego ntle ga molomo wa Modimo.’” O tsebile ga se a kopane le Moshe fale, gobane O ile go Lentšu.

¹⁰⁹ O Mo išitše godimo ntlhoreng, tempeleng, o rile, “Ge O le Morwa wa Modimo, ikwišetše fase Wenamong.” Gomme o apešitše, e sego o tsopotše, eupša o apešitše Lengwalo. O rile, “Go ngwadilwe, ‘O fa Barongwa taelo, mabapi le, ge e se nako e ka ba efe O thetšiša leoto la Gago go letlapa. O tla Go kukela godimo.’”

¹¹⁰ Gomme Jesu o ile thwi go Lentšu, gomme o mo kgalemile.

¹¹¹ O Mo išitše godimo thabeng gomme o Mmontšitše United States le Jeremane le Switzerland, le ditšhaba tšohle tša lefase,

tseo di tla tsogego di bile, o rile, “Ke tša ka tšohle. Ke dira ka tšona e ka ba eng ke e nyakago.” Ga go makatše re ne dintwa le mathata. O rile, “Ke dira ka tšona . . .” Ga go makatše basadi ba apara . . . gomme ba phomelela ka yona, ka molao. Bohle ba bušwa ke diabolo. Ke se Beibele e se boletšego. Sathane o rile, “Ke ya ka. Ke dira ka yona e ka ba eng ke e ratago.” O rile, “Ge O ka nkhunamela, ke tla Go dira kgoši boka ke le.”

¹¹² Jesu o rile, “Go ngwadilwe, ‘O tla khunamela Morena Modimo wa gago a nnoši, o tla hlankela.’ Tloga morago ga Ka, Sathane.”

Gobaneng? Jesu o tsebile gore O tla ba mojabohwa go yona ka go Mileniamo wo wo mogolo, ge Mmušo wa Gagwe o tla tla. “Thato ya gago e dirwe lefaseng bjalo ka ge e le Legodimong.” Go ka se sa ba dišothi di aparwa. Go ka se sa ba go nwa. Go ka se sa ba kganyogo. Go ka se sa ba bootswa. Go ka se sa ba lehu. Go ka se sa ba manyami. O ba mojabohwa go setšhaba se sengwe le se sengwe. Ke tša Gagwe. Yeo ke nnete. Ke tša Gagwe, gomme o tla ba mojabohwa. Eupša Sathane o ne bona lebaka la nako, ke gore lehono, leo re phelago.

¹¹³ “Eupša O lekanyeditše letšatši, a re, ‘Lehono, morago ga nako ye telele bjalo.’ Gomme o rile, ‘Se thatafatšeng pelo ya lena.’”

*Gobane ge nkabe Jesu a ba file khutšo, . . . a o be a ka
se be ka morago a boletše ka letšatši le lengwe.*

¹¹⁴ Ngwanešu wa ka wa Moadventist, lebelela Seo. Paulo fa, o boletše. Gomme Paulo o rile, ka go Bagalatia 1:8, ge eba le ngwala mangwalo, Bagalatia 1:8, “Ge Morongwa go tšwa Legodimong a etla le go rera ebangedi e ka ba efe ye nngwe ntle le Ye yeo ke e rerilego, anke a be morogakwa.” Paulo o rile, “Ge Jesu a ka be a ba file letšatši la Khutšo . . .”

¹¹⁵ Lebelelang, ge A fologa thabeng. O fologile nako yela. O be a fentše diabolo. O be a tloditšwe, a le komana bakeng sa bodiredi bja Gagwe. O rile, “Le ba kwele ba bolela, bona ba dinako tša kgale, ‘O se ke wa bolaya,’ eupša Ke re go lena gore e ka ba mang a befeletšwego ngwanabobo, ntle le lebaka, o šetše a bolaile. Le ba kwele ba bolela, bona ba dinako tša kgale,” letšatši le, babolokasabatha. “Le ba kwele ba bolela, morago gona ba dinako tša kgale, ka tlase ga molao, ‘O se ke wa dira bootswa; go be go swanetše go ba ka tirong, go ba molato.’ Eupša Ke re go lena, gore e ka ba mang a lebeletšego mosadi go mo kganyoga o šetše a dirile bootswa le yena ka pelong ya gagwe.” Go fapano! Fetile thwi hleng le molao wola wa bone. Eupša a O ba file Khutšo?

¹¹⁶ A re boneng se a se boletšego. “Dafida o rile, ‘Morago ga nako ye telele bjalo, go tla ba le Khutšo ye e phethegilego go tla.’” Modimo o khutsitše go mediro ya Gagwe, mo letšatšing la bošupa. Modimo o šegofaditše letšatši la sabatha, gomme a

le fa go Bajuda ka lešokeng, ka mokgwa wo. Ba tsene . . . gare ka lebaka la gosedumele, ka lebaka la Lentšu le sa hlakana le tumelo. “Gomme gape, O lekanyeditše letšatši tsoko, a bolela ka Dafida, ‘Ka morago ga nako ye telele bjalo.’”

Mengwaga ye makgolokgolo ka morago ga ge Dafida a hwile, Morwa wa Dafida o tla tsoga, e lego Jesu, “Gomme ge ba ka kwa Segalontšu sa Ka, se thatafatšeng pelo ya lena.” Modimo o ya go bolela le pelo.

¹¹⁷ Bjale šetšang, bakeng sa temana ya 9 bjale, go lena bao le balago. “Jesu a ka be a ba file khutšo,” temana ya 8, “O tla . . . be a boletše ka letšatši le lengwe.”

¹¹⁸ Ge eba go be go swanetše go ba le sabatha, ge eba go be go swanetše go ba le go boloka Lamorena, gona A ka be a boletše ka yona. Ge nkabe A rile, “Bjale ga go sa ne sabatha, ga go sa ne go boloka letšatši la bošupa, se Ke nyakago le se boloka ke Lamorena,” nkabe A e boletše. Paulo o rile O dirile. Nkabe A rile, “Bohole le rapela ka Lamorena. Yeo e tla ba khutšo.” Gabotse, ge nkabe A ba nyakile go boloka sabatha, nkabe A rile, “Nno felang le boloka letšatši la bošupa. Eupša bjale Ke nyaka le boloka Lamorena, letšatši la bosegswai.” Aowa. Ga se nke A e bolela.

¹¹⁹ O rile, “Ge Jesu nkabe a ba file letšatši, a nkabe A se a bolela ka lona?”

¹²⁰ Bjale temana ya 9. Ebang komana.

Go sa ne kagona khutšo go batho ba Modimo, go bolokasabatha go batho ba Modimo.

Gobane yena yoo a tsenego ka go ya gagwe (ya Kriste) *khutšo, le yena o emišitše go mediro ya gagwe mong, bjalo ka ge Modimo a dirile go ya gagwe, ka sabatha.*

¹²¹ Le a bona? Bjale a re tšeeng Lengwalo tsoko le go thekga se. Go lokile. Ge Modimo a dirile lefase mo matšatsing a tshelelag, O khutsitše letšatsing la bošupa, gomme ga se nke a ke a šoma gape. A go šegofatšwe Leina la Morena. O agile lefase, a bea tlholo go lona, gomme a ya go khutša; gomme ga se a tsoge a tla morago gape, go aga lefase le lengwe gape. O feditše mediro, gomme o ile go khutša. Bjale, go . . . Gona, morago ga mengwaga yela ye sekete, kagona sebe se tsene; kagona Kriste o be a emetšwe, Kwana e be e emetšwe. Bjale, Bajuda ba filwe se bjalo ka sekai sa Khutšo ya letšatši la bošupa.

Bjale, o lekanyeditše letšatši le lengwe, a bolela ka go Dafida, . . . ka morago ga nako ye telele bjalo, go tlo tla khutšo ye nngwe.

¹²² Bjale Khutšo yeo ke eng? Phetlang le nna go Mateo, tema ya 11, gomme karolo ya mafelelo ya tema ya 11 ya Mokgethwa Mateo. Ke mola Jesu a feditše theroy a Gagwe mo thabeng, gomme le tla bona se A se boletšego.

¹²³ O rile, “Mang le mang a lebelelago mosadi, go mo kganyoga, o šetše a otswitše le yena ka pelong ya gagwe. Mang le mang a befelelwago ngwanabo, ntle le lebaka, o bolaile ngwanabo.” Dilo tše tšohle, gomme ga se nke A kgwatha molao wola wa bone, sabatha yela.

¹²⁴ Bjale O a fetša. Gomme Sabatha ke Tshepišo ye kgolo ya Modimo. Ke Khutšo. Bjale, bjale šetšang fa, ge A feditše mahlogenolo. Fa O re, temana ya 27 ya tema ya 11 ya Mokgethwa Mateo. Moo, O be a ruta mahlogenolo ka go tema ya 5.

Dilo tšohle di filwe go seatla sa ka, go nna ke Tate wa ka: gomme ga go motho a tsebago Morwa, eupša Tate; . . .

Le a bona, o ka se tsebe o tee ntle le go tseba yo mongwe, gobane O be a le Tate a bonagaditšwe nameng.

. . . ga ešita ga go motho a tsebago Tate, ge e se Morwa, . . .

¹²⁵ Go bonala eke batho ba ka kgoni go bona Seo gomme ba se ngange. Ka mnene. Modimo ga se Batho ba bararo. Ge eba a le Bomodimo ba bararo, gona re bahetene. Ke ofe a lego Modimo? Bona ba, bohole boraro, Modimo o tee, ke diofisi tše tharo tša Modimo wa go swana. O be a le Tate, ka sebopengong sa Moya wo Mokgethwa, ka go Pilara ya Mollo yela ka lešokeng. O be a le Morwa, mola A šomiša ofisi ya Bomorwa. “Nakwana ye nnyane gomme lefase ga le sa mpona; Ke tla sepela. Ke tla bowa gape le go ba le lena, ebole ka go lena, go fihla bofelong bja lefase.” Le a bona? Ke Yena Botate, Bomorwa, le Moya wo Mokgethwa, gape. Gohle ke yena Modimo wa go swana a šoma diofising tša go fapanan: Botate, Bomorwa, Moya wo Mokgethwa. Ga se nke . . .

Johane wa Pele 5:7, “Go ne ba bararo bao ba rwelego bohlatsa ka Legodimong: Tate, Morwa, Moya wo Mokgethwa. Ba bararo ba ke Batee.”

¹²⁶ Tomase o rile go Yena, “Morena, re bontše Tate.” Go tla mo kgotsofatša.

¹²⁷ O rile, “Ke bile le lena botelele bjalo, gomme ga o Ntsebe?” O rile, “Ge o bona Nna, o bone Tate. Gomme gobaneng o re, ‘Re bontše Tate?’”

¹²⁸ Bjale, Maoneness a e tšere, sehlopha sa oneness sa batho, gomme ba leka go dira Tate, Morwa, Moya wo Mokgethwa, feela ofisi e tee le lefelo le letee, le boka monwana wa gago, o tee. Yeo ke phošo. Modimo o be a ka se . . . Jesu o be a ka se be tate wa Gagwe Mong. Ge nkabe A le, gona O be a . . . Gabotse, O be a ka kgoni bjang go ba tate wa Gagwe Mong?

¹²⁹ Gomme ge eba Modimo ke motho, go aroganywa go Moya wo Mokgethwa, O bile le botate ba babedi. Ka gore Beibele e boletše, gore, “Moya wo Mokgethwa o alametše Maria gomme a ima.” Gomme Beibele e boletše, ka go Mateo 1:18, gore, “selo seo se se

imilwego ka go yena ke sa Moya wo Mokgethwa.” Gona tate wa Gagwe ke ofe, Moya wo Mokgethwa goba Modimo? Bobedi, Moya wa go swana, goba O bile le tswalo ya go ba hlaba ka meboya ye mebedi.

Yeo ke thutotaelo ya Katoliki, gomme ga se nke ya ba thuto ya Beibele. Martin Luther o e tlišitše ntle, le bontši bja Bokatoliki bjo bongwe bjoo bo lego ka kerekeng ya Lutheran. Wesley o latetše ka yona. Gomme e sa ya pele, eupša ke phošo. Ga se Therešo. Ga se nke ya ba yona, ga se nke ya ba Thuto ya Beibele. Ga se nke ya ba molao ka Beibeleng, go ruta Bomodimo ba bararo.

Go ne Modimo o tee. Jesu o rile, “Ekwang, O Israele, Ke nna Morena Modimo wa gago, Modimo o tee,” e segó Bomodimo ba bararo.

¹³⁰ Ka Afrika, ba kolobetša gatee bakeng sa Tate, gatee bakeng sa Morwa, le gatee bakeng sa Moya wo Mokgethwa. Gomme ka gona bona Bajuda ba go šokiša ba tla tikologong, ba re, “Ke ofe wa bona a lego Modimo wa lena? Ke ofe a lego, Tate, Morwa, goba Moya wo Mokgethwa?” Bona ba, bohle ba bararo, Batee. Beibele e rile ba be ba le Batee.

¹³¹ Jesu o be a le ntlo yeo Modimo a phetšego ka go yona. Beibele e boletše seo—seo, Timotheo wa Pele 3:16, “Ntle le *phegšano*,” (ke gore, “ngangišano”) “sephiri sa bomodimo ke se segolo. Gobane Modimo o bonagaditše nameng, o bonwe ke Barongwa, o amogetšwe... o rerilwe, o dumetšwe, gomme o amogetšwe ka Letagong.” Modimo o bile. Beibele e rile, “Leina la Gagwe o tla bitšwa *Imanuele*, ka tlhathollo e lego, ‘Modimo o ne rená.’” Beibele e boletše, gore, “Jesu, ka go Yena go agile bottlalo bja Modimohlogo mmeleng.”

¹³² Bjalo ka ge re bile le yona bošegong bjo bongwe: Modimo, mo mathomong, o be a le Moya. Gomme morago, go tšwa go Modimo, go tšwile Logos, goba theophany, e bego e le sebopego sa motho, se bitswago Morwa wa Modimo, se swantšhitšwepele. O tlide lefaseng, ka mmeleng wa nama, ebile pele A etla ka go Jesu Kriste. Bjale metša seo gatee, ngwanešu. Ke tla e netefatsa go wena.

¹³³ Mola, mola Moshe a Mmone. O rile, “Anke ke bone lebopo la Gago, Morena.” Gomme Modimo o mo utile ka leswikeng. Gomme ge A fetile, o rile, “E be e le karolo ya mokokotlo wa motho.” Yeo e be e le Theophany yela. Yeo ke tlwa.

Morago, Theophany yela e ile ya swanelwa go dirwa nama. E segó Motho yo mongwe, eupša Motho wa go swana o ile a swanelwa go ba nama, go tloša lebola go lehu.

Boka nosi ge e loma, e tlogela lebola. Gomme ga se nke a tlogela lela... O kgonne go bea lebola ka nameng ya motho gobane ke sebe. Eupša, ngwanešu, ge a lomile nama yela ya

Imanuele, o lahlegetšwe ke lebola la gagwe. Ee, mohlomphegi. A ka bobola eupša ga a sa na lebola.

¹³⁴ Ga go makatše, Paulo, ge ba etla go kgaola hlogo ya gagwe, o rile, “O lehu, lebola la gago le kae? O ka bobola le go hama bontši ka moo o nyakago. Lebitla, phenyo ya gago e kae? Eupša a go lebogwe Modimo yo a re fago go phenyo ka Jesu Kriste.” Ke lena bao.

Go tšere Modimo Yenamong go dira seo. O tlile gomme o bonagaditšwe nameng. O boetše morago ka Moyeng.

¹³⁵ O re, “Ngwanešu Branham, ga se nke wa re botša, efela, ke neng Modimo a dirilwe nama pele A tlie ka go Kriste.”

Ge Abraham a be a dutše ka tlase ga tente ya gagwe, letšatši le lengwe, go tlile Barongwa ba babedi le Modimo, ba sepelela godimo go yena, ka nama ya motho. Ba bile le lerole diaparong tša bona gomme ba be ba lapile, gomme ba dutše fase. Gomme Abraham o tšwetše ntle gomme o tšere namane go tloga go kgomo, gomme o e bolaile. Gomme o dirile dikgopo tsoko tša nku. O ile ntle gomme o hweditše...bile le Sarah a tšeа bupi bja lehea tsoko le go bo sefa, le go dira dinkgwa. Gomme o tšere potoro tsoko go tšwa kgomong, le go hwetša maswipotoro tsoko. Gomme o e išitše ntle fale gomme a e bea fase, gomme Modimo o e lle.

¹³⁶ Haleluya! Leo ke lebakha, “Tumelo ya ka e lebelela go Wena, Wena Kwana ya Khalibari.”

¹³⁷ Le nagana seo ke selo se segolo go Modimo? Modimo, Yo a dirilego potaše le khalesiamo yohle, le se sengwe le se sengwe ka lefaseng, O theogetše tlase go etela Abraham. O rile, “O nagana Nka go utela yona, go boneng gore o mojabohwa wa lefase?” Amene. “Nka se go utele yona.” Modimo o nno tšeа...

¹³⁸ Re dirilwe ka dielemente tše lesometshela. O nno hwetša potaše tsoko, le khalesiamo tsoko, le petroleamo tsoko, seetša sa khosmiki, “Fše!” “Tsena ka go woo, Gabarie,” mmele!

¹³⁹ “Fše!” “Tsena ka go woo, Kgalako.” O tsene ka go ona.

Barongwa ba babedi, go tšwa Legodimong!

¹⁴⁰ Modimo o obeleditše gomme o hweditše lehupa la yona, “Fše,” o tsena ka go ona, Yenamong. O tla tlase, gomme o be a swerwe ke tlala. Šegofaditše... Go reng ka yeo, baena ba Adventist bao ba ka se jego nama? Re ya go tsena ka go yeo, morago ga nakwana. Modimo Ramaatlakamoka, Jehofa, hwetša ge eba Leina lela la go swana ga la fetolelwā Yena wa go swana mo sethokgweng se se tukago! Haleluya!

Gomme ge A eme lefaseng, O rile, “Pele Abraham a bile gona, KE NNA, Yena wa go swana mo sethokgweng se se tukago.” Yeo ke nnete, Elohim, bonang ge eba ga se wa go swana. O bile Yena a bilego mo sethokgweng se se tukago.

¹⁴¹ O be a le Yena fa mo bogoneng bja Abraham, ka mmeleng wa nama, woo o llego namane, le go nwa maswi go tšwa kgomong, le go ja potoro go dinkgwa. A go šegofatšwe Leina le Lekgethwa la Modimo! A sepelela thwi tlase fale gomme o rile, “Nka se tlogele . . .”

Gomme O bile le mokokotlo wa Gagwe o furaletše. O rile, “Abraham, Ke ya go go etela, gomme o ya go tliša ngwana yola. O bogolo bja mengwaga ye lekgolo bjale, gomme Sarah o masomesenyane.” Gomme Sarah, ka tenteng, o ile, “Ha!” o segile. O rile, “Ke eng e dirilego Sarah go sega?” Ka morago ga Gagwe; tente magareng ga bona.

¹⁴² Abraham o rile, “Sarah, a o segile?”

¹⁴³ “Aowa, ga se nke.”

¹⁴⁴ O rile, “Ee, o dirile.” Ke mohuta mang wa palomonagano wola? Ke mohuta mang wa go bala monagano o bego o le wola?

O dira sa go swana lehono. Ke Yena Jehovah-jireh, Jehovahrapha, wa go swana maabane, lehono, le neng le neng. Ga a ke a palelwa.

¹⁴⁵ Mo lebeleleng. Šole O eme. O sepeletše ntle thwi gomme o boletše le Abraham; gomme o nyamaletše, mo pele ga gagwe. Gomme mopatriaka yo mogolo Abraham o rile o “boletše sefahlego le sefahlego le Modimo, Elohim,” Modimo wa go swana. Le a e hwetša? E sego Batho ba bararo, ngwanešu. Diofisi tše tharo tša Motho wa go swana!

¹⁴⁶ Mo mathomong o be a swana, O be a le wo mogolo wola Moya, Mothopo moo borereši bjhohle, lerato lohle, khutšo yohle. Se sengwe le se sengwe se se bego se sekegile se be se le ka go Mothopo wo. O thomile go bopa mmele, theophany, mohuta wa mmele re yago go ona. E sego mmele wa letago, eupša mmele wa bongeloi, boka; o ne sebopego, lebopo.

¹⁴⁷ Nako le nako ge ke bona mohlare, ke a nagana, “Mohlare wola ke nekethifi. Go ne phosithifi felotsoko.” Mohlare wola o dirilwe go tšwa go se sengwe. Bohlale bo o dirile. Gomme sohle lefase le le se dirago ke go bonagatša tša Legodimong. Beibele e boletše bjalo. Gomme ge eba go ne mohlare fa woo o swanetšego go senyega, go ne o mongwe ka Letagong woo o ka se senyegego.

¹⁴⁸ Ge ke bona motho, ke bona baratani ba bannyanne ba go ratega, monna le mosadimogatša wa gagwe, ba sepela go theoga mokgotha, baratani mmogo, go bonagatša eng? A go šegofatšwe Leina la Morena! Go ne ba bangwe ka Legodimong bao ba ka se tsogego ba senyega. “Ge tabarenekele ye ya lefase e phušoga, re ne ye nngwe šetše e letile, theophany.”

¹⁴⁹ Gona o hwetša thrinithi: Moya wo mogolo, o agile ka go Morwa, Jesu; Jesu a agile ka Kerekeng. “Mo letšatšing leo, le tla tseba gore Ke ka go Tate, Tate ka go Nna, gomme Nna ka go lena.” [Ga go selo go theipi—Mor.] Tšohle Modimo a bilego, O tšholletše

ka go Jesu; tšohle Jesu a bilego, O tšholletše ka Kerekeng. Ke lena bao. “Nna ka go Tate, Tate ka go Nna; Nna ka go lena, gomme lena ka go Nna.” Mmele šoo—šoo.

¹⁵⁰ Ke seo e lego bothata ka kereke. Ba rutilwe wo monyane wa kgale wa go se re selo, wa go dirwa mosadi, thuto ya kgale ya mohumagadi ya mohuta tsoko, o kitima gohole le go ba le dilalelo tša sopo le diphathi tša karata. Ga go makatše re ne sehlopha sa tlakanantswiki re nago le sona. Ga re hloke mananeo a bana le dilalelo tše nnyane tša sopo. Se re se hlokago ke Ebangedi ya kgale ya makgwakgwa, le banna ba tumelo ka tšoša e lekeletše ntle fa, gomme ba hlohla. Se re se hlokago lehono, e sego thutamodimo tsoko ya go se re selo le teori tsoko ya segongwana sa madirwakemotho. Re hloka Ebangedi ya makgwakgwa e rerwa ka Seetšeng le Maatla le ponagatšo ya Moya wo Mokgethwa.

¹⁵¹ Hlokometlang fa bjale.

Gomme o rile, o lekanyeditše *letšatši* le lengwe, a bolela ka go *Dafida*, . . .

. . . *ge nkabe Jesu a ba file khutšo*, . . . a o be a ka se . . . a boletše ka *letšatši* le lengwe.

Eupša go sa ne . . . *khutšo go batho ba Modimo*.

Gobane yoo a tsenego ka khutšong ya gagwe, . . . o *kgauditše go tšwa go mediro ya gagwe mong, bjalo ka ge Modimo a dirile go ya gagwe*.

¹⁵² Bjale re ya go bala kae? Mateo, ya masomepedi- . . . Tema ya 11, temana ya 27.

Dilo tšohle tše Tate a di tlišitšego go nna, di tlišitšwe go nna ke Tate, a ke re: gomme ga go motho a tsebago Morwa, eupša Tate; (Go lokile.) ga ešita ga go motho a tsebago Tate, ge e se Morwa, le yena e ka ba mang Morwa a ratago go mo utolla.

¹⁵³ Le a bona, ga se bontši gakaakang o ithutago, bontši gakaakang pi—pi pišopo a nyakago o tseba. Ke bontši gakaakang Modimo a nyakago o tseba. Ge o ka se kgone go bona Kutullo ye, se botšiše pišopo. Botšiša Modimo. Se botšiše modiša wa gago. Botšiša Modimo. “Morwa o a Mo utolla,” Yena, lešalašala.

¹⁵⁴ Theetšang. Se se tla le tšoša. Molao šo. Paulo o rile, “Ge A ka be a šiile letšatši le lengwe, A ka be a boletše ka lona.” Eupša sese se A se boletše.

Etlang go nna, lena bohle bao le katanago gomme le imelwa gagolo, gomme Ke tla le fa sabatha, khutšo.

Tšeang joko ya ka go lena, gomme le ithute ka nna; gobane Ke yo bolo le go kokobela mo pelong: gomme le tla hwetša sabatha go ya lena soulo.

Gobane joko ya ka e bonolo, gomme ya ka merwalo e bohwefo.

¹⁵⁵ Šetšang se Paulo a se boletšego.

. . . ge Jesu a ka be a ba file khutšo, . . . a ka be a boletše ka letšatši le lengwe.

Eupša o lekanyeditše *le . . . letšatši*, a re ka go *Dafida, . . . morago ga nako e telele bjalo; . . . ge le ekwa segalontšu sa gagwe, se thatafiseng ya lena pelo.*

“Gomme go sa šetše . . .” Theetšang bjale, temana ya 9.

Go sa šetše kagona khutšo, sabatha, go batho ba Modimo.

Gobane yena, monna goba mosadi, yoo a tsenego khutšong ya gagwe . . .

“Etlang go Nna, lena bohle bao le katanago gomme le imelwa gagolo. Ke tla le fa khutšo.”

. . . o kgauditše go tšwa go ya gagwe . . . mediro bjalo ka ge Modimo a dirile go ya gagwe.

¹⁵⁶ O ka no ba o be o le bogolo bja mengwaga ye masomepedi. O ka no be o be o le bogolo bja mengwaga ye masometharo. O ka no be o be o le bogolo bja mengwaga ye masometlhano. Eupša motsotswo woo o kwago Segalontšu sa Modimo se kokota pelong ya gago, se e thatafatše. Gona tsena . . . “Yoo a kwago Mantšu a Ka, a dumetšego go Yena yoo a Nthomilego, o ne bophelo bja gosafelego, Bophelo bjo Bosafelego, gomme a ka se tsoge a tla ka kahlolong eupša o fetile go tloga lehung go ya Bophelong.”

¹⁵⁷ “E re, Ngwanešu Branham, go direga eng?” O hwetša Moya wo Mokgethwa. Kriste o tla ka go wena. A yeo ke nnete?

¹⁵⁸ Phetlang le nna go Jesaya, tema ya 28, gomme a re baleng. Jesaya, tema ya 28, re bone se moprofeta a se boletšego ka yona. Mateo . . . 28, go thoma go temana ya 8. Bothata šebo bja matšatši a mafelelo. Re swanetše go tswalela mo motsotsong.

Gobane ditafola tšohle di tla ba, di tletše ka mahlatša le . . . ga go lefelo le hlwekilego.

¹⁵⁹ Anke ke eme motsotswo. Bjalo ka Ernie a boletše bosegong bjo bongwe, o be a bolela ka yo mongwe. Ernie Fandler, ngwanešu yo fa go tšwa Switzerland, o rile, “Ke eme le go e dira e nwelele ka gare.”

¹⁶⁰ Ke nyaka ye go nwelela ka gare.

. . . ga go lefelo le hlwekilego.

Gobane tšohle di ditafola di tla tlala ka mahlatša . . .

Bjalo ka *mpša* e eya *mahlatšeng* a yona . . . *le ko kolobe . . . la yona leraga*, le batho ba boela morago bjalo.

¹⁶¹ Bothata ke eng ka lena Mamethodist? Le be le ne Seetša. Go diregile eng? Modimo o Se tlošitše go tšwa seatleng sa lena, O Se file go Manazarene.

Go diregile eng go lena Manazarene? Le kile la ba le Seetša. Modimo o Se tlošitše go tšwa diatleng tša lena gomme o Se fa go Mapentecostal. Kgonthe. Lena church of God le ka moka ga lena batho ba bokgethwa, gobane le ganne Seetša, le itirile kerekeleina lenabeng gomme le rile, “Re ka se se sa dumela eng go feta *se*,” Modimo o sepeletše thwi pele ntle le go le bontšha O bile le batho bao ba tla Mo latelago.

¹⁶² Go diregile eng ka lena Mapentecostal? Le bile le Seetša. Modimo o Se tlošitše go lena.

Pilara ya Mollo e ya pele. Nako ye nngwe le ye nngwe Pilara ya Mollo e sepetše, Kereke e sepetše le Yona.

Gomme ge Luther a kgatlofetše, go tšwa go kereke ya Katoliki, kereke ya gagwe mong, Pilara ya Mollo e sepetše gomme Wesley o ile le Yona.

Wesley o kgatlofetše gomme o dirile kerekeleina, gomme Pilara ya Mollo e sepetše gomme Manazarene ba ile le Yona.

Manazarene ba kgatlofetše, gomme church of God ba ile le Yona; gomme ba rile ga se bona kerekeleina, eupša ba be ba le.

¹⁶³ Morago go diregile eng? Selo sa go latela se diregilego, Mapentecostal a bone Mollo, gomme ba ile kgole. Gomme le dirile eng? Le dirile thuto go tšwa go maleme, gomme le e kgatlofaditše, “Yo mongwe le yo mongwe o be a swanetše go bolela ka maleme pele ba hwetša Moya wo Mokgethwa,” gona Modimo o sepetše kgole thwi le go le tlogela le dutše moo le lego.

¹⁶⁴ Go diregile eng go lena Oneness? Le hweditše kolobetšo, Leina la Jesu. Le dirile thuto go tšwa go yona, le go ikaroganya lenabeng go tloga go ka moka ga Lona, gomme Modimo o sepeletše kgole thwi le go le tlogela le dutše fale. Nnete.

¹⁶⁵ Go diregile eng go lena Assembly of God, General Council ya kgale? Le dirile mokgatlo go tšwa go wa lena, gomme Modimo o sepetše kgole thwi le go le tlogela le dutše. Gomme bjale ga le selo eupša sa go tonya, sehlopha se sefomale boka ka moka ga bona ba le.

Gomme Pilara ya Mollo e ya pele. Haleluya!

... *ditafola tšohle di tletše mahlatša* ...

¹⁶⁶ Lebelelang Selalelo sa Morena. Gobaneng, ebile ba... Ke be ke le lefelong ba tšea llofo ya kgale ya borotho. Gomme borotho bo swanetše go dirwa ka borotho bo sa omelwago. Gomme ba bo fetišetša go badiradibe, bakgogi ba sekerete, bommalegogwana, diotswa, ge feelsa ba ne leina la bona ka pukung.

¹⁶⁷ Gomme lena Mabaptist ebile le se bitša “se se tswaletšwego” selalelo. Bjale, lena Mabaptist le dira lešata gannyane, Modimo

o tla tloša nakana ya lena. Yeo ke nnete tlwa, le ka se sa kgona go e letša. “Se se tswaletšwego” selalelo, le a ikaroganya lenabeng, go bonala go ba mokgethwa go go feta.

Elelwang, ye ke tabarenekele ya Baptist. Ke seo le se hwetšago, le a kgatlofatša ya lena. “Oo,” le re, “ga se rena mokgatlo.” Ee, le ona. Ka nnete, le ona. Le re, “Re kopanelo.” Ya, go e ka ba mang yoo a tlago ka lemating le go ruta feela ka tsela ye le e dumelago, go lokile. Eupša, o tee, le—le ka se mo lahlele ntle, eupša le tla mo kgaola go bongwaneno bja lena. Yeo ke nnete tlwa. Oo, le ne tsela ya go e dira. Go bjalo le Modimo o ne tsela ya go e dira. Eupša Kereke ya Modimo e tla ya pele. Pilara ya Mollo e ka se emele seo.

... *ditafolo tšohle di tletše mahlatša . . .*

¹⁶⁸ Bjale theetšang. Bjale se se ya go le tšoša feela motsotso. Theetšang. Ke tla bala Lentšu. Yo o be a le mang? Moprefata Jesaya.

... *ditafolo tšohle di tletše mahlatša . . . kafao ga se gona se hlwekilego*, feela mpša e ejá mpša.

¹⁶⁹ Etla go kereke: basadi ba a ripa, ba kota moriri wa bona, ba apara dišothi, ba ya ntle le go bona banna ba theoga mokgotha; ba kota bjang ka jarateng, basetsana ba bannyane ba nyaka go kwa yo mongwe a efa molodi wa mpšakgoto goba phiri, e ka ba eng e lego, le a tseba, “Fšefše!” Oo, o nagana o a kgahliša, a ga o?

¹⁷⁰ Gomme lena banna le sepela go theoga mokgotha, le sikara ka molomong wa lena, gomme motikone mo poteng. O bonala boka poo ya Texas o kgomotšwego dinaka. Gomme gona o nagana gore o yo mongwe. Yeo ke nnete tlwa. Ga go makatše ditafolo tšohle . . . Sepelela godimo le go tšeä selalelo, gomme wa itshwara boka o yo mongwe, le go radia le go utswa le go aketša, go kgabola beke. Bothata ke eng ka wena?

... *ditafolo tšohle di tletše mahlatša . . .*

¹⁷¹ “Oo, ke tšeä Selalelo sa Morena. Kgonthé, re a e dira ka kerekeng ya rena. Jesu o rile O tla re tsoša mo matšatšing a mafelelo ge re tšere Selalelo sa Morena.”

¹⁷² Eupša, “Yoo a jago le go nwa a sa swanela, o jela le go nwela kahlolo go yena mong, go se hlaloganye Mmele wa Morena. Ka lebaka le ba bantši ba a babja le go fokola magareng ga lena, le ba bantši ba hwile,” tša kgale, tša go hwa, dikereke tše fomale. Moya wo Modimo o tšwile go lena. Pilara ya Mollo ga e sa le gona. Le latola phodišo Kgethwa. Le latola tsogo.

¹⁷³ “Oo,” o re, “oo, O tsogile bahung, ka histori.” Gabotse, go reng ka ga Yena go beng go swana lehono, ge eba A tsogile bahung? O re, “Oo, seo ga se bjalo.” Bjale, ke lena bao. Le ne tsogo ka tsela ye le e nyakago, gomme Modimo o ne yona ka tsela ye A e nyakago.

¹⁷⁴ Eupša, selo sa yona ke, Beibele e rile, se re se tsebago ke Therešo, gore O tla tiišetša Lentšu. “Gomme dilo tše tšeо Ke di dirago le tla dira go swana. Gomme Ke tla ba le lena ka mehla, go ya bofelong bja lefase.” “Jesu Kriste wa go swana maabane, lehono, le neng le neng.” Ke seo Lentšu le se boletšego.

¹⁷⁵ Bjale a sabatha ke eng?

... *dita fola tšohle di tletše mahlatša... ga go wa go hlweka.*

Ke mang *a ka mo rutago tsebo?*

E sego tsebo ya selefase; tsebo ya semoya!

Ke mang *a ka mo rutago tsebo?... ke mang A tla dirago... kwešiša thuto?*

¹⁷⁶ “Oo, šegofatša Modimo, mokgatlo wa rena ga o dumele go Se. Ba ka se kwane le Seo.” ... kgathale se mokgatlo wa gago o se dumelago. Lentšu la Modimo le reng ka sona? “Oo, gabotse, badiša ba rena, le a tseba, ba rutegile.” Oo, kgonthe. Ka nnete, ba ne thuto ye ntši kudu, ba tlogetše Modimo ka ntle ga yona. Ka therešo, o ka ba botša Lentšu gomme ba tla sepela gohle gomme ba re, “Gabotse, ga ke E dumele feela ka tsela yeo.” Oo, wena selo sa go tshadifatšwa! Anke ke go botše.

¹⁷⁷ Lebelela fa.

... *ke mang a ka mo dirago... thuto e tsebjago?*
bona bao ba tshwešitšwego letswele, gomme... bao ba phušitšego go tšwa maswi, gomme ba gogilwe go tšwa matsweleng.

¹⁷⁸ Letšatši le lengwe, moagišani wa ka o a tla. O rile, “Billy, modiša tsoko fa ka go toropokgolo, motho yo monnyane wa go ratega kudu o kilego wa ke wa mmona...” O rile, “Mosadimogatša le nna re be re dutše re apere dipitšama, e ka ba bošegogare, gomme modiša yola o kitimetše ka gare gomme o—o—o nwele kofi le rena gomme o ile ntlong ya moagišani yo mongwe, gomme o šikintše diatla le bona. Ba be ba ne papadi ye nnyane ya karata, gomme o dutše fase gomme o bapetše dikarata le bona.” O rile, “Oo, o be a le moisa yo monnyane wa leago kudu o kilego wa ke wa mmona.” O rile, “Oo, re a mo rata. Re ka se mo rake ka lefeela.”

¹⁷⁹ Ke dutše fale gannyane nthathana, ke naganne, “Gabotse?”

¹⁸⁰ O rile, “Oo, ga o nagane gore kereke ye nngwe le ye nngwe e hloka monna boka yola?” Huh! Ga se ke kgone go araba yeo. O rile, “Go lefelo le lengwe le lennyane,” o rile, “ba bile le lefelo la go ratega bjalo. Modiredi yo le mosadimogatša wa gagwe, batho ba go ratega, ba ile ntle le go dirišana le bana kudukudu go fihla ba bile le se—se sekolo sa Beibele.” Gomme o rile, “Ba nno ba le ba bantši kudu, go no phophomiša selo ka bana ba bannyane.” O rile, “Nna, o kgona go anega mehuta yohle ya dikanegelo tše dinnyane go bana ba bannyane.”

¹⁸¹ Ke rile, “Seo ke se sebotse. Seo ke se sebotse gampe.”

¹⁸² Ke ile morago. Ke sa tla go tšwa Canada. Ke naganne, “Ke nna yo. Nna! Batho... Bothata ke eng ka nna? Ga ke dire seo.” Ke ile go hlatswa koloi ya ka. Ke naganne, “Modimo, ke ya go ba mokgalabje, gomme ke nna yo. Ke lwele. Ke llile. Ke kgopetše. Gomme se sengwe le se sengwe ke se hwetšago ke leroga le legolo.”

¹⁸³ E ka ba eng, anke yo mongwe a bolele se sengwe se sebe ka wena, “Oo, mopshikologimokgethwa wa kgale,” se sengwe boka seo.

¹⁸⁴ Ke naganne ka yona. Gomme Segalontšu se tla go nna, se rile, “Bona banna ba lokile ge ba dira seo, eupša Nna ga se nke ka go biletša go dira seo. Ke go bileditše go tsea Tšoša le go ema fale boka Joshua gomme o hlohle, ngwanešu. E sego go pokapoka gohle le sosaete tsoko ya kgale goba kereke tsoko ya mokgatlo, eupša hlohla diabolo. Ema ka pele, dira nnete nnete, gomme phošo phošo. Rera Lentšu gomme o hwetše ke mang a nago tumelo go Le dumela. Mme ntle fale.”

¹⁸⁵ Ke ba lebelo go koloi yela, nako tšohle, ke hlatswa. Ke rile, “Ke a leboga, Morena. Ke a leboga, Morena.” Ke ikwetše gabotse nako yeo. “Go lokile, Morena, ke tla mo gokarela go tiiša gannyane, gomme ke nyaka go hwa le Yona ka seatleng sa ka.”

... ke mang Nka *dirago thuto* e tsebjie? (Theetšang.)

... *ditaafola di tletše mahlatša*...

... *baa ba phušitšego go tšwa maswi, gomme ba gogilwe go tšwa matsweleng.*

Bjale šetšang.

Gobane kokwane bjalo ka yeo godimo—godimo ga kokwane, kokwane godimo ga kokwane;... mothalo godimo ga mothalo; fa gannyane, le fale gannyane:

Gobane ka dipounama tše goloketšago le ka maleme a mangwe Ke tla bolela le batho ba.

Go bona go thiwa, Ye ke sabatha ka go yona le tla dirago ba lapilego go khutša;... ye ke ditapološo: efela ba ka se kwe.

Gobane lentšu la MORENA le tlie go bona (Yo mongwe o Le rerile.) kokwane godimo ga kokwane,... godimo ga kokwane; mothalo godimo ga mothalo,... godimo ga mothalo; fa gannyane, le fale gannyane; gore ba ke ba ye, le go wa ka samorago, gomme ba robege, le go tanngwa, gomme ba tšewe.

¹⁸⁶ Khutšo ke eng? Khutšo e tlie neng? Ge batho ba boletše ka maleme a šele gomme ba bile le dipounama tša go goloketša. Dipounama tša go goloketša; ga se ba bolele selo. Ba golokeditše. Seo se diregile neng? Mo Letšatšing la Pentecost, ge Moya wo

Mokgethwa o etla. Yeo ke Khutšo: Moya wo Mokgethwa. Jesu o rile, "Etlang go Nna, bohle lena le lapilego le go imelwa gagolo, gomme Ke tla le fa Khutšo. Ke tla le fa Bophelo, Bophelo bjo Bosafelego," Zoe, Bophelo bja Modimo mong. Modimo o tla tla ka go wena le go ba karolo ya gago. O tla go fa tswalo le go go dira morwa le morwedi.

¹⁸⁷ Bjale šetša. Yeo e bile khutšo ya boraro A e fago. Ya pele: Modimo o e amogetše, go tšwa mošomong wa Gagwe. Ya bobedi: Israele e e amogetše, ka molaong. Ya boraro: Kereke e E amogetše, bjalo ka karolo ya Modimo.

¹⁸⁸ Tharo ke palo ya bophelo. Ke ba bakae ba tsebago seo? [Phuthego e re, "Amene."—Mor.] Nako le nako ge o bona tharo, ke bophelo. Hlokamelang, ge Modimo a hlodile lefase, mo letšatšing la boraro e bile bophelo. Ke ba bakae ba tsebago seo? ["Amene."] Letšatši la boraro. Go tlie bophelo mo letšatšing la boraro la tlholo.

Thriniti: Tate o be a le ka godimo ga batho, ka go Pilara ya Mollo; Morwa o be a le Motho, Yo a boletšego le batho le go ba dira ba be komana; Moya wo Mokgethwa e be e le kgato ya boraro, e bego e le Moya wo Mokgethwa, Modimo ka go batho. Bophelo! Tate, Morwa . . .

Khutšo, ya Modimo; khutšo, ya Israele; le Khutšo, ya Kereke, babolokasabatha.

¹⁸⁹ Kafao, ge o sa nke wa amogela Moya wo Mokgethwa, golebjalo, ga se nke wa tsena ka Khutšong ya Modimo. Ga wa swanela go re, "Oo, nka se kgone. Ke nyaka go kgoga. Ke—ke no se kgone go e dira; ke Mokriste. Ka kgonthe ga ke nyake go nwa, eupša ke Mokriste. Ke no se kgone, ga ke nyake go nwa, eupša golebjalo ke a rata."

¹⁹⁰ Ge o kganyoga basadi, ge o dira dilo tšohle tše tša go hloka modimo, ga se nke wa ke wa betha sekgala sela sa Khutšo golebjalo. Ga se nke wa tsena Khutšong ya gago.

¹⁹¹ Gomme ge o tsena Khutšong ye, o kgaotša go mediro ya gago mong ya selefase, boka Modimo a dirile go ya Gagwe. Gobaneng? O karolo ya Modimo. O a khutša, Kagosafelego. Ke lena bao. Yeo ke Sabatha. "Etlang go Nna, bohle lena bao le katanago."

Lehono, o lekanyeditše letšatši le rilego, . . . ka morago ga nako ye telele bjalo, ka go Dafida; . . . ge le ekwa segalontšu sa gagwe, se thatafatšeng dipelo tša lena.

¹⁹² Feela lentšu goba a mabedi bontši fa bjale, re tla tswalela.

Gobane yoo a tsenego ka khutšong ya Kriste, . . .

Etlang go nna, bohle lena bao le katanago le . . . go imelwa gagolo, . . .

. . . o kgaoditše go mediro ya gago mong, bjalo ka ge Modimo a dirile go ya gagwe, mo letšatšing la bošupa.

Ya gago e ka no ba e bile ngwageng wa bomasometharo, ngwageng wa bomasomenne, ngwageng wa bomasometlhano, e ka ba eng e lego. O kgauditše go mediro ya gago, bjalo ka ge Modimo a dirile go ya Gagwe, Kagosafelego. Ga o sa nyaka dilo tša lefase. Lefase le hwile go wena.

¹⁹³ Bjale, temana ya 11 bjale, sekgauswi.

Anke re kataneng kagona go tsena khutšong yela, (e sego ye yona, e sego ye yona, eupša Ye yona), ntle le ge motho a ewa ka morago ga mohlala wa go swana wa gosedumele.

¹⁹⁴ Ke eng? Pilara ya Mollo e fa. Morongwa wa Morena o ne rená. O dira tšona dilo tšeó A boletšego O tla di dira. Gomme batho ba thetšwa tikologong, ba re, “Oo, gabotse, ke a thanká Go lokile. Seo gabotse ke se sebotse. Oo, ke a thanká Go okei.” Hlokomela gore o se wele ka molabeng wa go swana wa gosedumele. O E tšeá ka pelo ya gago yohle.

¹⁹⁵ Šetšang.

Gobane lentšu la Modimo (e sego thuto ya kereké), le lentšu la Modimo le a phela, le maatla kudu, . . . bogale go feta tšho tšhoša ya magalemabedi, (theetšang), phuleletša ebole . . . go ahloganya so soulo, mo moyá, . . . malokololo le mo moko, le . . . (theetšang), gomme ke mohlathi wa dikgopoló le di dikelello tša pelo.

E be e le eng sela? Moya wo Mokgethwa o ka tla le go re, “O dirile selo sagorelegore. Gomme o dirile se gomme o dirile sela. O ne mohuta wo wa bolwetši, le bjoó. Ge o ka lokiša se, o tla dira sela.” Le a bona? Mohlathi wa dikgopoló.

¹⁹⁶ Gomme batho ba re, “Ke eng seo? Gobaneng, ke go balamonagano. Gobaneng, ke . . . Yena ke mmolelelamahlatse.” Le bona se ke se rago? Ke le lebe, lefase la kgale la bootswa leo le sa tsebego Modimo.

¹⁹⁷ “Le a phela, go nagana, maatla kudu go feta tšhoša ye magalemabedi, le mohlathi wa dikgopoló le dikelello tša pelo.”

Bjale, ke eng seo se tsebago dikelello tša pelo? Modimo. O rile, “Gabotse, Beibele e rile, ‘Lentšu la Modimo.’” Lentšu la Modimo ke Modimo.

Mathomong go be go le Lentšu, . . . Lentšu le be le le go Modimo, gomme Lentšu e be e le Modimo.

Gomme Lentšu la dirwa nama, gomme la dula magareng ga rena, . . .

¹⁹⁸ Modimo o hlatha dikgopoló. Abraham o bile le mokokotlo wa gagwe o retologile, gomme—gomme Modimo o dirile bjalo a ba le mokokotlo wa Gagwe o retologetše tenteng. Gomme Sarah o segile. Gomme Modimo o retologile, o rile, “Ke eng e dirilego

Sarah a sege?" Mohlathi wa dikgopololo tša pelo! Ke nyaka seo se nwelele gannyane nthathana.

¹⁹⁹ Gona ge mohuta woo wa bodiredi o tsoga, woo Modimo a tshepištšego mo letšatšing la mafelelo, go diregile eng? "Go balamonagano."

²⁰⁰ A ga se ba bitša Morena, Yenamong, "Beletsebubu"? O rile, "Ge ba biditše Mong wa ntlo 'Beletsebubu,' go kaakang ba tla bitšago barutiwa ba Gagwe?"

²⁰¹ Ke a le rata. Go laetša gore le ne kgahlego go lekanela, ga la swanela go tla go moago wa go fehlwamoya go kwa Ebangedi. O swerwe ke tlala go lekanela go tla lefelong boka le. Modimo ga a ke a re dumelela go aga selo eupša se. Re e rata ka tsela ye. Feel a mokhukhu wo monnyane wa kgale, eupša ke ka tsela yeo re o ratago. Modimo ga a dule matsakeng. Modimo o dula boikokobetšong. Re o rata ka tsela ye. Re thabile go tla, gomme le a dira, le lena, go dula ka le—le lefelong boka le. Ga go kgathale go fiša gakaakang, o tšwa sethitho ka go sutu ya gago ye mpsha gakaakang, roko ya gago ye mpsha, seo ga se dire phapano efe.

O theeleditše Bophelo bjo Bosafelego, go Lentšu la Modimo leo le tsebago dikgopololo tša pelo ya gago. Pilara ya Mollo yeo e lekeletšego godimo ga bana ba Israele, e lekelela fa bošegong bjo. Nka kgona go e hlohla: ga go motho a kgonago go ema fa ka tlase ga maatla a Moya wo Mokgethwa ntle le Modimo a mo tšhollela thwi ntle le go mmotša se a bego a le sona. Yeo ke nnete. Ke lena bao.

²⁰² Ke Eng? Ke Eng? Ke Moya wa go swana woo o hlahlilego Bana ba Israele go ya khutšong ya bona, gomme ba wele ka lebaka la gosedumele. Le se weng. Se ke sebaka sa mafelelo. Tate, Morwa, le Moya wo Mokgethwa, Bophelo bo tla ka fao.

²⁰³ Tokafatšo, Martin Luther, e sa le sebopego sa bodumedi. Tlhwekišo... Martin Luther; John Wesley; kolobetšo ya Moya wo Mokgethwa, Bophelo. Tokafatšo, ke go dumela; tlhwekišo, ke go hlwekiša; Moya wo Mokgethwa, ke go tlatša, Bophelo. E sego go kgabola lebaka la Lutheran; ba bile le Bjona ka sebopego. E sego ka go kgabola lebaka la Wesley; ba bile le Bjona ka sebopego. Eupša le ke lebaka ge Moya wo Mokgethwa o etla, Yenamong.

²⁰⁴ Gomme ge eba o se wa O amogela, o kgona bjang, o ka kgona go dumela mehlolo? Seo se tše Modimo, ka go wena, go dumela. O itshwara boka Modimo. O tseba boka Modimo. O nagana boka Modimo. Beibele e boletše gore le bomagogorwane, ba bannyane "badimo." Jesu o boletše bjalo. Gobane, le karolo ya Modimo.

Feel a go swana bjalo ka ge ke le Branham yo monnyane, gomme o e ka ba mang yo monnyane o lego, le ka gobane batswadi ba gago ke leina leo. Tlhago yeo o lego ke ka gobane batswadi ba gago ba ka tsela yeo, gobane o tswetšwe ke bona.

Gomme lebaka leo o dumelago Modimo, le go dumela mehlolo, le maswao le matete, gobane le barwa le barwedi ba Modimo. Le amogela Bophelo. Bophelo bo tla ka la boraro. Go lokile.

²⁰⁵ Ge Jesu a rotogetše thabeng, mogohle A ilego, O tšere Petro, Jakobo, le Johane, dihlatse tše tharo. Tharo ke palo ya Bophelo. Le a e hwetša? [Phuthego e re, “Amene.”—Mor.] Lerato, thabo, khutšo.

²⁰⁶ Bjale, a re yeng ka pela bjale go bofelo bja tema, ka pela, ge re bala.

Gobane lentšu la Modimo le a phela, le maatla kudu...go feta tšoša ya magalemabedi,...gomme le hlatha ebile le maikaelelo a pelo.

Ešita ga go sebopša sefe seo se sa bonagatšwago pele ga gagwe: eupša dilo tšohle di...bulegile go mahlo a yena yo re swanetšego go dira le yena.

²⁰⁷ Ngwanešu, ga go na ntšhi e ka fofelago koteng fale, ntle le Yena go e tseba. “Dilo tšohle di bulegile.” Ngwanešu, O tseba se sengwe le se sengwe seo o kilego wa se dira, kgopolole ye nngwe le ye nngwe o kilego wa e nagana. Seo ke se A lego sona. Re Mo dumela ka mokgwa woo.

Gomme ge Modimo a etla ka go rená, le go re bea ka Kerekeng, O bea dimpho le dilo ka Kerekeng, go šomiša Sephedi sa Gagwe. Ge Modimo a le Modimo yola tlhokamagomo, gona O fodiša balwetši. A kgona go tsoša bahu. O kgona go thakgafatša balephera, a dira sefofu go bona. O kgona go fa dipono. O kgona go dira mehuta yohle ya dilo, a šoma ka Kereke ya Gagwe, gobane ke Modimo ka go lena. Kereke šeo.

²⁰⁸ Kereke yela e ba Kereke bjang, ka go E tšoena? Aowa, mohlomphegi. Ka go šikinya diatla? Aowa, mohlomphegi. Ka kolobetšo ya meetse? Aowa, mohlomphegi. Ka bolelokó? Aowa, mohlomphegi. O O hwetša bjang? “Gobane ka Moya o tee bohole re kolobeeditšwe ka Mmeleng o tee.” Ke lena bao.

²⁰⁹ Baroma 8:1.

Kagona ga go sa na go lahlwa...

“Ga go go lahlwa ga selefase.” Ba ka se go phare ka selo.

Go ne...go lahlwa go bona bao ba lego ka go Kriste Jesu, bao ba sa sepelego ka nama, eupša ka Moya.

²¹⁰ Ke lena bao. Ke ka fao le ahlolago Bokriste bja lena. Ke ka fao le ka tsebago le tsene ka Khutšong yela, lefase ga le sa le tshwenya. Ka nnete. Le a e bona, sepelang kgole le yona. Le ne se sengwe bokaone go nagana ka sona. Ke lena bao, “Ga go go lahlwa.” Ke ka fao re tsenago ka Mmeleng.

²¹¹ Gomme o bolokegile, “Neng le neng.” Beibele e boletše bjalo. Lebelelang godimo fa ka go Bahebere, tema ya 10. O rile:

Gobane moo go nago meneelo ya dipoo le sehlabelo,
go gopola go dirilwe ga sebe ngwaga ka ngwaga.

Eupsa monna yo, . . . ka sehlabelo se tee . . .

A go šegofatšwe Leina la Gagwe le lekgethwa!

*Gobane ka se tee sehlabelo yena o phethagaditše neng
 le neng . . .*

²¹² Haleluya! E sego bakeng sa tsošeletšo ya go latela, eupša *neng le neng*. “Dilo tša kgale di fetile; gomme dilo tšohle di fetogile tše mpsha.” Re sepela Seetšeng, Seetšeng se sebotse. Dinonyana di opela go fapanā.

²¹³ Ke dutše fale, ke lebeletše segatamoroko se sennyane se, e ka ba mengwaga ye mehlano ya go feta, ke a thankā. Rosella, mankgagane wa mahlo a go petuga, a sepela go theoga mekgotha ya Chicago, a tagilwe, a nyokanyoka gohle, a sepelela ka go mohuta wo mongwe le wo mongwe wa sebe woo o bego o le gona, a tagilwe le se sengwe le se sengwe seo a kgonnego go ba. Gomme bošego bjo bongwe, Moya wo Mokgethwa, woo o phelago le maatla kudu go feta tšoša ya magalemabedi, o rile, “Mosadi, o segatamoroko.” Haleluya! Ge yoo e se Modimo wa go swana yoo a bego a le morago mošola, yo a tsebilego Sarah o segile ka morago ga Gagwe, ga ke tsebe se A lego.

²¹⁴ Godimo ka go batheeletši go mosadi yo mongwe yo monnyane. O ile le go hwetša, gomme o tlišitše ka fale. O rile, “O lekgoba la diokobatši.” Ka fao A hlathago dikgopolō tša monagano!

²¹⁵ Gomme badiredi ba bagolo bogolo ba segoši ba dutše fale, bao ba nago boebangedi bja lefase ka bophara, ka diatla tša bona di fotletšwe morago, ka Dikipa, ba naganne ga se re ba tsebe, boka ba ka dula ka kopanong ka mokgwa wola gomme Modimo a ka se utolle ba be ba le bomang. Ba dutše fale, ba lebelelega go fapanā, boka ba be ba le yo mongwe gape. Moya wo Mokgethwa o tsebile ba be ba le bomang. Gomme ba dutše fale, ka dipelong tša bona, ba naganne O be o le go bala monagano. Ga ba tsebe bontši ka Modimo go feta Mokgothu a ka tseba ka bošego bja Egepetā. Yeo ke nnete. Ba O tseba ka leletere, eupša e sego ka Moya. “Leletere le a bolaya, eupša Moya o fa Bophelo.” Yeo ke yona. Yeo ke kgopolō. “Go phela, maatla kudu go feta tšoša ya magalemabedi, Mohlathi wa dikgopolō tša pelo.”

²¹⁶ Theetšang. Šetšang.

*Ešita ga go sebopša sefe seo se sa bonagatšwago pele
 ga gagwe: eupša dilo tšohle di apogile le go bulega pele
 ga a gagwe mahlo go yena . . . yo re swanetšego go dira
 le yena.*

*Go boneng gona gore re ne moprista yo mogolo
 bogolo . . . (Theetšang bjale; go balwetši.) . . . yoo a*

*fetetšego ka magodimong, Jesu Morwa wa Modimo, a re
tišeng bja rena boipolelo.*

²¹⁷ “Go tiša,” seo ga se re go no ya pele o paka. Ge o sa phele bophelo, ga o bo tiše; o phela selo sa boikaketši. O . . . Bokaone o be ka ntle gomme o no re o modiradibe gomme o lebale ka yona. Se ipolele Mokriste, o phela se sengwe gape; o kotanatšitiši ye kgolokgolo lefase le kilego la ba le yona. Ge o le modiradibe, e amogele gomme, e ya pele, lokiša le Modimo. Ge o le Mokriste, tiiša boipolelo bja gago, dula fale.

²¹⁸ Šetšang se bjale. Ke nyaka go tsenya se feela pele re tloga.

*Gobane ga re ne moprista mogolo yoo a ka se kgonego
go kgwathwa ke maikutlo a mabofokodi a rena; eupša
ka gohle o lekilwe boka . . . re le, efela ntle le sebe.*

Theetšang.

*Kagona a re tleng ka sebete go terone ya mogau, gore
re ke re hwetše kgaogelo, le go hwetša mogau le thušo
mo na nakong ya tlhoko.*

A go šegofatšwe Leina la Modimo!

²¹⁹ Theetša, Baptist, Presbyterian, Lutheran. O ya go mpotšiša potšišo, “Abraham o dumetše Modimo, gomme e baletšwe go yena bakeng sa toko.” Ke a tseba. Ke moo ka mehla le yago. Yeo ke therešo. “Ke eng bontši motho a ka go dirago eupša go dumela Modimo?” Yeo ke nnete tlwa. Seo ke sohle a ka go se dira. Eupša ge Modimo a lemoga tumelo yeo, O go fa Moya wo Mokgethwa.

²²⁰ “Bjale ke dira eng, Ngwanešu Branham? A ke a goeletša?” Ga go bohlokwa. “A ke bolela ka maleme?” Ga go bohlokwa. O ka goeleta le go bolela ka maleme, bobedi, gomme o no phela boka—boka mohetene, gomme wa no kganyoga basadi. O ka no kgoga le go nwa, le se sengwe le se sengwe gape. Ke bone batho ba bolela ka maleme, gomme ba eya ntle thwi le go dira ye nngwe ya ditšhilatšila, peelano ya boradia nkilego ka ke ka e bona. Ke ba bone ba goeleta, ba lla sehlodimare, gomme ba tla utswa e ka ba eng o ka e swarago. Ke ba bone ba sepelela ntle, gomme mosetsana yo mongwe le yo mongwe mokgotheng, o a retologa. Uh-huh. Seo ke leswao le lebotse ga o ne le Ona. Yeo ke nnete.

²²¹ Eupša, ngwanešu, ge o fetile go tloga lehung go ya Bophelong, dilo tšela tšohle di a hwa, gomme o sebopša se seswa ka go Kriste Jesu. Ge o bona se sengwe sa phošo, o tla se rapediša, “Modimo gaogela.” Gomme ge o bona mathata, sebakeng sa go ye le go ratharatha, le go leka go e dira e gakale, o tla leka go hwetša motho le go e otlolla, le go e homotsa thwi ka pela. Woo ke Moya wa Modimo ka go wena.

²²² Ge o dira phošo? O bušwa ke tšona. Ge o ka dira phošo, o tla e phošolla thwi ka pela. “Se dumelele letšatši go sobela le kgalefo ya gago.” Ke ka fao o tsebago o fetile lehung go ya Bophelong, o ne lerato, khutšo, thabo, pelofalo, bobotse, bonolo, kgotlelelo.

Re ne Moprista Mogolo a dutšego ka Legodimong, a le komana go dira poelano godimo ga boipolelo bja gago. Ke eng? Ke ge Jesu a ile morago go Logos, Pilara ya Mollo yeo e hlahlilego bana ba Israele, e dutše ka Bogoneng bja tšona tše kgolo, mothopo, molalatladi wa Dietša tše di tšwelago ntle, Meboya ye šupago e phethagetšego, Moya wo o phethagetšego wa lerato.

²²³ Bjale šetšang. Sa pele ke lerato le le *phethagetšego*, leo ke lerato la Modimo, le sekile le go se otswafale. Sa go latela, go tleng ka fale, ke lerato la *phileo*, ke lerato leo o nago le lona go mosadimogatša wa gago le bana ba gago. Sa go latela, go rotha ka morago ga seo, ke lerato la *kganyogo*. Sa go latela ke lerato la *go hlokamodimo*. Gomme go no theoga go fihla e le *tšila*, go no tšwelapele go fapoša, go fapoša.

²²⁴ Gomme se segwe le se sengwe seo se nago mathomo, se ne bofelo. Le bohle bao ba tla tšewago gabjale, gomme go se go gopola ka ga yona, le gannyane, le go tla thwi morago go ya go phethagala, letšatši le lengwe. Gomme tsela e nnoši... O ka se eme tlase fa, seripatsela sa tsela, gomme wa tla godimo *fa*. O swanetše go ba tsela yohle ka gare, o tshepa, o khutšitše ka go felela ka go phološo yeo Jesu Kriste a go fago, ka tumelo.

²²⁵ Go ne Moya wa go potego woo o tšwago go Modimo. Woo ke mothopo, mothopo wa Modimo. Yeo ke potego. Ya go latela ke monna a tla dirago “tiro ye botse” go moagišani wa gagwe. Ya go latela ke mothaka, “o swanetše go mo šetša.” Wa go latela ke mothaka, “ke lehodu.” Wa go latela ke mothaka, “ke mmolai,” go swara. Le bona ka fao go fapošago, thwi go theoga? Eupša dilo tšona tšohle di bolela ka ya kgontha.

²²⁶ Ke seo ke se bolelago. Nako le nako o bona motho yoo a... O bona baratani ba bannyane ba sepela go theoga mokgotha, baratani, mohlomongwe ba bogolo bja mengwaga ye masomeseswai. Go bolela feela gore ka Legodimong go ne baratani ba bafsa bao ba ba emelago, ka Legodimong. “Ge tabarenekele ye ya lefaseng e phušoga, re ne ye nngwe Kua.”

²²⁷ Ge o bona motho a radia, a utswa, a aketša, nno elelwa, karolo ya gagwe e letile ka heleng, bakeng sa gagwe, lefelo la gagwe moo a tla tlaišwago ka Bogoneng bja Modimo le Barongwa ba bakgethwa, ka mollo le tshebel. O tla tlaišwa fale. E sego neng le neng, a ka se tlaišwe neng le neng, neng le neng ga go re yohle, bakeng sa dinako tšohle. Gosafelego ke neng le neng, Gosafelego ke... ga go na mathomo le bofelo. Eupša *neng le neng* ke “sekgoba sa nako.” Beibele e rile, “Neng le neng le,” lekopanyi, “neng le neng.” Jona o rile o be a le ka mpeng ya hlapikgolo “neng le neng.” Ke sekgoba sa nako.

²²⁸ Eupša, lebelelang, go ne Bophelo bjo Bosafelego bjo botee feela, gomme bjoo ke Modimo. Gomme ge eba o ya go tlaišega neng le neng, gomme wa se tsoge wa hwa, o ne Bophelo bjo Bosafelego. O ka se tlaišwe neng le neng... O ka no tlaišwa

lebaka la mengwaga ye milione tše lekgolo, ka Bogeneng bja Modimo le Barongwa ba bakgethwa, ka mollo le tshebela. Ga ke tsebe go beetšwe botelele gakaakang. Eupša mafelelong go swanetše go tla bofelong gobane go bile le mathomo. Gomme Modimo a nnoši o ne Bophelo bjo Bosafelego. "Yoo a kwago Mantšu a Ka, gomme a dumela Yena yoo a Nthomilego," ga a ne bophelo *neng le neng*, "o ne Bophelo bjo Bosafelego." Bophelo bjola bjoo bo thomago, e sego selo go bapa *fa*. Eupša tsela yohle go rotoga Kua, Bophelo bjo Bosafelego, *Zoe*, Bophelo bja Modimo Mong bo tla tlase le go dula le motho, Gomme o Gosafelego le Modimo, gomme a ka se hwe. Seo ke se Lentšu le se boletšego.

²²⁹ E no nagana ka yona. A go ne Maphelo a Gosafelego a mabedi? O ka se kgone go araba yeo, a o ka kcona? Go ne Bophelo bjo Bosafelego bjo botee, gomme bjoo ke Bophelo bja Modimo. Mohuta wo mongwe wo wa bophelo, ga go kgathale se bo lego, bo ne bofelo go bjona. Gomme e ka ba eng yeo e nago le mathomo e ne bofelo. Eupša e ka ba eng yeo e sa bago le mathomo ga e ne bofelo. Gomme Modimo o rile O tla re fa Bophelo bjo Bosafelego, ntle le mathomo, re be re no ba karolo ya Gagwe. Gomme gabotse Bophelo bjoo bo lego ka go rena, ga se bo tlišwa fa ka tlhago ya motho. Tlhago e re fa moy, eupša moy wola o hwile, gomme re ne Moya wa Modimo. Letago go Modimo!

²³⁰ A Modimo o bile motho? Ka nnete. "A Re direng motho ka seswantšho sa Rena Beng." Modimo o be a le eng? Theophany, mmele. Gomme fale motho o dirilwe ka mokgwa wola le go beiwa godimo ga serapa. Eupša go be go se motho go lema mmu, ka dikwing. Morago O hlotše motho go tšwa leroleng la lefase, ka go bophelo bja phoofolo, gomme motho yola o lemile mmu. Gomme motho o wele, ka karogo. Ka go nepagala. Gomme Modimo, Theophany, o theogile gomme o dirilwe nama gomme o dutše magareng ga rena, go lopolla motho.

²³¹ Kafao ga se selo o kgonago go se dira. O modiradibe, le go thoma. O kgolokilwe bokgopong. O tswetšwe sebeng, wa tla lefaseng o bolela maaka. O tswetšwe fa ka lefaseng le ka kganyogo ya thobalano ya tate le mme. Gomme o no ba wa go ya heleng bjalo ka ge o ka ba, ga ke kgathale se o se dirago. O ka no se tsoge wa aketša, wa utswa; wa boloka molao wo mongwe le wo mongwe, le se sengwe le se sengwe gape; gomme o tla ya heleng, boka nonyana lepokising la yona. Eupša tsela e nnoši o ka tsogego wa phela gape, ke go amogela Moya wo Mokgethwa, Bophelo bjo Bosafelego bja Modimo.

²³² Ke eng e go dirilego se o lego sona? Mo mathomong, ge Moya wo Mokgethwa o alamela godimo ga lefase, go be go se selo eupša morunyo wa bolekhen. Letšoba le lennyane la Paseka le a tšwelela. Modimo o rile, "Seo se bogega bobotse. Nno ya pele o alamela." Matšoba a a tšwelela. Bjang bo a tšwelela. Mehlare e

a tšwelela. Dinonyana di fofa go tšwa leroleng. Diphoofolo di a tšwelela. Motho o a tšwelela.

²³³ Bjale, e dirilwe bjang? Ka go alamelga Moya wo Mokgethwa, o tlisa materiale wo mmogo, potaše, khalesiam; go dira matšoba, go dira phoofolo, go dira wena.

²³⁴ Gomme bjale, o ne tokologo ya go kgetha. Modimo o alamela morago go wena, gomme o re, “O kwa Segalontšu sa Ka? Se thatafatše pelo ya gago, boka matšatšing a borumolane.” Yena šo o a theoga, a rera Lentšu.

“Ebangedi e rerelwa bona ba sa ba...sa bago le tumelo go Lona, kafao ga Ya ba direla mohola.” Ba E kwele, eupša ga se ba E dumela.

²³⁵ Modimo o theogile. O ba bontšitše Pilara ya Mollo. O bontšitše ka mopropeta wa Gagwe, maswao le matete, O be a ne yena. Ga se ba E dumela. Oo, ba ratile go bona mehlolo. Ba ratile go kwa mopropeta. Eupša ge e le ka ga go E dumela, ga se ba ke. Maphelelo a bona a netefatša ga se ba ke.

²³⁶ “Bjale,” O rile, “le se weleng ka mohlaleng wa go swana wa gosedumele.” Gobane mo letšatsing le la mafelelo, go kereke ya Bantle, Modimo o bonagetše gape; leswao la go swana, matete a go swana, Pilara ya Mollo ya go swana, e hlatseditšwe, e netefaditšwe. A re se thatafatšeng dipelo tša rena le go wela molekong morago mošola, wa gosedumele, gobane re tla bolela lefaseng gomme seo e tla ba bofelo bja yona.

²³⁷ Gomme ge Moya wo Mokgethwa o kokota pelong ya gago, [Ngwanešu Branham o kokota phuluphithing—Mor.] “Morago ga nako e telele bjalo, ge le ekwa Segalontšu sa Ka, se thatafatšeng pelo ya lena.” O re, “Ngwana wa Ka, ye ke Therešo.” Se lebelele motseta. Theetša Molaetša. O dumele. “Se thatafiše pelo ya gago, bjalo ka matšatšing a borumolane.”

²³⁸ Ge a ekwa Segalontšu sa Gago, “Se thatafiše pelo ya gago.” Gona o re, “Ee, Morena, ke a dumela.” Gona tsena ka Bophelong, Moya wo Mokgethwa o tsena ka go wena. Moya wa gago wa kgale o a hwa, woo o go dira o kganyoge le go hloya, le tshele le bonaba, le—le lehloyo le tšona dilo tšohle, di a hwa. Gomme o tlala ka lerato, thabo, khutšo, go khutša. Ga go kgathale diphefo di foka gakaakang, go lokile.

Sethekgo sa ka se swere ka gare ga seširo.
Go kgabola ledimo le lengwe le le lengwe le
legolo le diphefo,
Sethekgo sa ka se swere ka gare ga seširo.

Gobane go Kriste, Leswika le le tiilego, ke a
ema;
Mafelo ohle a mangwe ke kwenamohlaba.

²³⁹ Ke lena bao. Eddie Perronet, bjalo ka ge a ngwadile pina yela ya go tsebalega. “Mafelo ohle a mangwe,” dikerekemaina tšohle, dithutotumelo tšohle, dithuto tšohle, di a nyamalala. Kriste!

O re, “Gabotse, ke tseba Beibele.” Ga o be le Bophelo ka go tseba Beibele.

“Ke tseba katekisema ya ka.” Ga o ne Bophelo ka go tseba katekisema ya gago.

“Gabotse, ke Mokriste.” Ga o ne Bophelo ka go ipolela Bokriste.

²⁴⁰ O ne Bophelo ka go tsebeng Yena. Go tsebeng Yena, o ne Bophelo. “Gona o tsena Khutšong ya Gagwe. O kgaotša go mediro ya gago, bjalo ka ge Modimo a dirile go ya Gagwe.” O dirilwe morwa wa Modimo, motšeakarolo wa Modimo. Gomme ge wola—ge wola Moya wo Mokgethwā o go gokeditše, gomme o goketša morago gomme wa re, “Ee, Morena,” goba go hlaletša.

²⁴¹ Hlaletša, “Etlang go Nna, bohole lena ba le katanago gomme le imelwa gagolo. Ke tla le fa Khutšo.”

²⁴² Gomme o re, “Aa, ke mofsa. Ke ne . . . Oo, modiša wa ka ga a . . . Tšohle ke swanetšego go di dira . . .” Le a bona? O ka se tsoge wa O hwetša.

²⁴³ Eupša o re, “Ee, Morena wa ka. Ke kwa Segalontšu sa Gago. Ga ke thatafatše pelo ya ka. Ga ke kgathale, Morena, Ke Lentšu la Gago gomme ke a Go dumela. Ntšee Jesu. ‘Feela bjalo ka ge ke le, ntle le kgopelo e tee, eupša gore Madi a Gago a tšholotšwe bakeng sa ka. Gomme fale ke tla tshepiša, “Ke tla dumela.” O Kwana ya Modimo, ke a tla.’” Bea diatla tša gago godimo ga hlogo ya Gagwe e hwago, o re, “Morena, ke modiradibe, gomme O mpiditše.”

²⁴⁴ “Bohole Tate a Mphilego ba tla tla go Nna, gomme Ke tla mo tsoša mo matšatšing a mafelelo.”

²⁴⁵ “Ee, Morena, ke a tla. Ga ke thatafatše pelo ya ka, boka ba dirile borumolaneng, ke dumela ka therešo.”

²⁴⁶ Nako yeo O dira eng? O go fa Bophelo bja Gagwe, Zoe, Bophelo bjo Bosafelego. Gomme ge eba Modimo a ka re tsoša go tšwa leroleng la lefase, moo re tšwago gona . . . A re tšwa leroleng? [Phuthego e re, “Amene.”—Mor.] Se sengwe le se sengwe o se bonago, se tšwa leroleng. Gomme ge eba Modimo o ntirile se ke lego lehono, ntle le go ba le kgetho e ka ba efe; feela gobane tlhologelo ya Gagwe e be e le go ntira, le go mpha monyetla go lebana le Khalibari le go dira sephetho sa ka; gomme ke dirile sephetho sa ka gomme ke dumetše go Yena; gokaakang bontši A tla ntsošago! Ge A ntirile se ke lego, ntle le kgetho, gona ke tšere kgetho le go Mo tšeela ka gare; ge A beile diatla tša Gagwe ka Yenamong, le go ana ka Yenamong, gore O tla ntsoša mo letšatšing la mafelelo. Ke tla khutša tiišetšong.

²⁴⁷ Ke ne Khutšo, e sego gobane ke rapela ka Lamorena, e sego gobane ke rapela ka sabatha. Seo ga se ne selo go dira le yona. Ke rapela gobane ke tsene ka khutšong ya Gagwe le go Khutša: khutšo, go khutša, lerato, thabo. Anke madimo a fofe; sethekgo sa ka se swere.

²⁴⁸ A o ne boitemogelo bjoo, bošegong bjo, mogwera wa ka yoo a dutšego fa ka tabarenekeleng ye ya go fiša? Ga se o tle go kwa nna. Aowa. O tla go kwa Lentšu. Theetša, mogwera wa ka.

²⁴⁹ Bjale ge o se na Khutšo yela, o ka E hwetša gonabjale. Ga wa swanelo go tla godimo fa mo aletareng. Dula thwi moo o lego. Hlokofala, gomme o re, “Kriste, nno bolela le pelo ya ka. Ke a tseba go a fiša. Ke—ke no ba lehulo gohle, kudumela. Ke a šiiša. Eupša, Morena, ka therešo, nka no be ke le kudumela ka bohloko, go gakala go feta go, mosong wo.”

Gomme ngaka a ka šikinya hlogo ya gagwe, a re, “Ke tlhaselo ya pelo. O ile.” Ke eng gona?

²⁵⁰ Ke eng nako yeo? Ge Puku ye kgolo e butšwe, ke eng nako yeo? Le kwele pina, *Ke eng Nako yeo?* “Ge bona bao ba gannego Molaetša, ba tla kgopelwa go fa lebaka, ke eng nako yeo?” Ke eng nako yeo? Naganang ka yona bjale, go teba ka kgonthe.

²⁵¹ Ge re inamiša hlogo ya rena, naganang ka yona.

Ge bona bao ba ganago Molaetša wo bošegong
bjo,
Ba eya go kgopelwa go fa lebaka, ke eng nako
yeo?

Ke eng nako yeo? Ke eng nako yeo?
Ge Puku ye kgolo e butšwe, ke eng nako yeo?
Ge bona bao ba ganago Molaetša wo bošegong
bjo,
O ya go kgopelwa go fa lebaka, ke eng nako
yeo?

²⁵² Tate wa Legodimong, ye yohle e ka diatleng tša Gago bjale. Sabatha ya therešo še e letše pele ga batho. Morongwa wa Modimo šo, bakeng sa mengwaga e se mekae, o thuthupišitše go dikologa lefase. Baswaswalatši le se sengwe le se sengwe gape ba, lekile go E sola. Eupša, nako ye nngwe le ye nngwe, O netefatša Wenamong go ba Modimo.

²⁵³ Lefase la saense, lefase la kereke; a ba foufetše, Morena? Mohlomongwe go ne o tee ka fa bošegong bjo a ka ratago go amogela pono ya bona, go sepelela pele, le go se leke Modimo, boka ka matšatšing a borumolane; e sego go Mo leka, ka go ba go loka ka Lamorena, goba go boloka letšatši tsoko, goba go thutotumelo tsoko, goba go ba wa kereke tsoko. Eupša a tla ratago go tšwa le go bolotšwa, ka pelo, le go amogela Moya wo Mokgethwa. Gomme ba a Mo nyaka. Ka tumelo bjale, ba leka

go Mo amogela ka pelong ya bona. Ba leka go hwetša mogau le Wena, Morena.

²⁵⁴ Oo, ba ka be ba boletše ka maleme. Ba ka be ba goeleditše. Ba sa ne pelwapelwana ya kgale ya go swana. Ba sa ne tshele ya kgale ya go swana. Ba sa ratharatha le go bolela, le go dira dilo ba sa swanelago go di dira. Ga ba nyake tšeо, Morena. Ke eng nako yeo, ge Puku yela e kgolo e butšwe, yeo e rilego, “Ba bjalo ba ka se tsene Muušong”? “Kagona ebang ba ba phethagetšego, ebile boka Tataweno wa Legodimong a phethagetše.” E ka ba eng e hlaetšago e ka se tsene. A ba bottle ka go felela, bošegong bjo, ka go mmapolwa? Ge eba go se, Morena, anke ba dire “ee” yela ya Gosafelego feela bjale.

²⁵⁵ Ba re, “Morena, ke... Go se maikutlo, eupša ke no ikwela Sengwe tlase ka pelong ya ka, Sengwe sela se a mpotša, ‘Nka e dira gonabjale, ka mogau wa Gago.’ Gomme bjale ke a Go amogela bjalo ka Mophološi wa ka wa sebele. Ke—ke gana dilo tšohle tša lefase, gomme ke nyaka go tsena Khutšong ya Gago. Gomme ke a dumela ke e dira gonabjale. Ke a dumela Moya wo Mokgethwa o ntliša thwi ka lefelong leo.”

²⁵⁶ Ge hlogo ye nngwe le ye nngwe e inamišitšwe. A e ka ba ofe a ikwelago ka tsela yela gonabjale? Phagamiša seatla sa gago, “Moya wo Mokgethwa bjale o ntliša lefelong moo nka se balabalego gape.” Modimo a go šegofatše. “Nka se dire dilo. Pelwapelwana ya ka e tlogile. Nka phela ka khutšo le thabo le go pelofala, go tloga gabjale. Ke a dumela Modimo o bolela le nna gonabjale, gore nka e dira go tloga iring ye go ya pele, ka mogau wa Gagwe.” A o ka phagamiša diatla tša gago? Modimo a go šegofatše. Modimo a go šegofatše mohumagadi. Yo mongwe gape? “Ke a dumela bjale.”

²⁵⁷ Le se Mo leke, boka letšatšing la borumolane. Se nagane gobane re ya kerekeng ka Lamorena, goba go boloka sabatha. Paulo o rile, “Lena bao le bolokago matšatsi le dikgwedi, goba go ya pele, ke a le boifa. Molao ka go ba le moriti wa dilo tše botse di bego di etla, gomme e sego sona seswantšho sa selo, o ka se tsoge wa dira morapedi go phethagala.” Eupša Kriste o go dira o phethagale, go phethagala mo pele ga Modimo. O tloša sebe sa gago, o tloša tsholo go wena, o go fa lerato le thabo ya Gagwe.

²⁵⁸ A o ka tsena ka Khutšong bjale? Yo mongwe gape phagamiša seatla sa gago, o re, “Ke dirile seo.” Modimo a go šegofatše, mohumagadi yo mofsa, godimo fa go le letshadi la ka. Modimo a go šegofatše monna o dutšego go le letona la ka. Go tseneng Khutšong ya Gagwe, naganang ka yona feela bjale.

²⁵⁹ Rapela, “Feel a bjalo ka ge ke le, Morena, ntle le kgopelo e tee; ga ka loka. Ga se gona se nka Go neelago, eupša feela bja ka bja kgale, bja go onala, bophelo bja sebe. A O tla nkamogela? Ntlhwekiša? Nkimolla? Gobane, ke tshepišitše ke tla dumela. O Kwana ya Modimo, ke a tla. Bjale ke a tla, ke dumela gore bjale

ke fetile lehung go ya Bophelong. Gobane, thwi fa mo setulong sa ka, ke Go amogetše bjalo ka Mophološi wa ka gomme ke ikwela khutšo pelong ya ka.”

²⁶⁰ Ba bahlano ba phagamišitše diatla tša bona. A yo mongwe, yoo a ikwelago ka tsela yeo, phagamiša seatla sa gago? Ge o se Mokriste, Mo amogele feela bjale.

²⁶¹ Ge o ipolela go ba Mokriste gomme o se wa ba wa mohuta woo, o sa le modiradibe, ga go kgathale ke eng bophelo o—o bo dirilego, goba o leka bjang go itira wenamong. Se o se dirago ga se amogelwe. Ke se A se dirilego. Toko ya gago mong e ka se amogelwe. Ge o tlogela go kgoga feela gobane o rile, “Gabotse, bokaone ke tlogela go kgoga gobane ke ipolela Bokriste.” Modimo ga a e amogelete. Ge o tlogela go kganyoga basadi, feela gobane gore o itira wenamong go e dira, Modimo ga a e amogelete. Seo ke se sengwe o se dirago. Yeo ke mediro. Ke mogau o go phološago. A Modimo o tla go wena le go tloša selo ka moka go wena? Seo ke selo sa go latela.

²⁶² O re, “Ke tšoenne kereke, gomme kafao ke ile ka swanelo go tlogela dilo tše.” Modimo ga se a amogela seo, ga se gona o ka go se neela. O amogela feela se Kriste a se fago. O go fa Bophelo bjo Bosafelego, le go e tloša go wena. A o tla E amogela?

. . . ntle go la ledimo, lewatle la lebelete,
Etla, kgwaparetše soulo ya gago botšhabelong
bja Khutšo,
Gomme o re, “Moratiwa wa ka ke wa ka.”

Ke kgwapareditše soulo ya ka . . .

Go lokile, o ka phagamiša hlogo ya gago. Molaetša o fedile bjale. A re no tumišang bjale.

Nka se sa sesa lewatle la lebelete gape;
Ledimo le ka no swiela godimo ga bja lebelete,
bja ledimo botebo,
Ka go Jesu ke bolokegile go ya go ile.

²⁶³ Yo mongwe le yo mongwe bjale, go tumišeng.

Ke kgwapareditše soulo ya ka botšhabelong
bja Khutšo, (Sabatha)
Nka se sa sesa lewatle la lebelete gape;
Ledimo le ka no swiela godimo ga bja lebelete,
bja ledimo botebo,
Ka go Jesu ke bolokegile go ya go ile.

Phadima go nna, . . .

Nno itokolla wenamong. Tswalela mahlo a gago. O ikwela Moya wola wo mobose? Yeo ke thapelo. Molaetša o fedile. Ye ke thapelo.

Anke Seetša go tšwa ntlongseetša se phadime
 go nna,
 O phadima go nna, O Morena, phadima go nna,
 O anke Seetša go tšwa ntlongseetša se phadime
 go nna.

²⁶⁴ Ke ba bakae ba ikwelago gabotse ka kgonthe? Phagamiša seatla sa gago. Wola wo mobose, moyā wa go kokobela, woo ke Ona.

Go ba boka Jesu, go no ba boka Jesu,
 Lefaseng ke hlologela go ba bjalo ka Yena;
 Gohle go kgabola leeto la bophelo go tloga
 lefaseng go ya Letagong,
 Ke no kgopela go ba boka . . .

Nno tumišang.



BAHEBERE, TEMA YA BONE NST57-0901E
(Hebrews, Chapter Four)
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Setemere 1, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org